

三國志通俗演義

三國志通俗演義序

夫史。非獨紀歷代之事。蓋欲昭往
昔之盛衰。鑒君臣之善惡。載政事
之得失。觀人才之吉凶。知邦家之
休戚。以至寒暑災祥。褒貶予奪。無
一而不筆之者。有義存焉。吾夫子
因獲麟而作春秋。春秋魯史也。孔

子修之。至一字予者。褒之。否者。貶之。然一字之中。以見當時君臣父子之道。垂鑒後世。俾識某之善。某之惡。欲其勸懲警懼。不致有前車之覆。此孔子立萬萬世至公至正之大法。合天理。正彝倫。而亂臣賊子懼。故曰。知我者其惟春秋乎。罪

我者其惟春秋乎。亦不得已也。孟子見梁惠王。言仁義而不言利。告時君。必稱堯舜禹湯。答時臣。必及伊傅周召。至朱子綱目。亦由是也。豈徒紀歷代之事而已乎。然史之文。理微義奧。不如此烏可以昭後世。語云。質勝文。則野。文勝質。則史。

此則史家秉筆之法。其於衆人觀之。亦嘗病焉。故往往舍而不之顧者。由其不通乎衆人。而歷代之事。愈久愈失其傳。前代嘗以野史作為評話。令瞽者演說。其間言辭鄙謬。又失之於野。士君子多厭之。若東原羅貫中。以平陽陳壽傳攷諸

國史自漢靈帝中平元年終于晉
太康元年之事。留心損益。目之曰。
三國志通俗演義文。不甚深。言不
甚俗。事紀其實。亦庶幾乎史。蓋欲
讀誦者。人人得而知之。若詩所謂
里巷歌謠之義也。書成。士君子之
好事者。爭相謄錄。以便觀覽。則三

國之盛衰治亂。人物之出處臧否。一開卷。千百載之事。豁然於心胸矣。其間亦未免一二過與不及。俯而就之。欲觀者有所進益焉。予謂誦其詩。讀其書。不識其人。可乎。讀書例曰。若讀到古人忠處。便思自己忠與不忠。孝處。便思自己孝與

不孝。至於善惡可否。皆當如此。方是有益。若只讀過。而不身體力行。又未為讀書也。予嘗讀三國志。求其所以殆。由陳蕃竇武立朝未久。而不得行其志。卒為姦宄謀之。權柄日竊。漸浸熾盛。君子去之。小人附之。姦人乘之。當時國家紀綱法

度壞亂極矣。噫。可不痛惜乎。矧何
進。識見不遠。致董卓乘釁而入。權
移人主。流毒中外。自取滅亡。理所
當然。曹瞞雖有遠圖。而志不在社
稷。假忠欺世。卒為身謀。雖得之。必
失之。萬古姦賊。僅能逃其不殺而
已。固不足論。孫權父子。虎視江東。

固有取天下之志。而所用得人。又非老瞞可議。惟昭烈漢室之胄。結義菴園。三顧草廬。君臣契合。輔成大業。亦理所當然。其最尚者。孔明之忠。昭如日星。古今仰之。而關張之義。尤宜尚也。其他得失。彰彰可考。遺芳遺臭。在人賢與不賢。君子

小人義與利之間而已。觀演義之
君子宜致思焉。

弘治甲寅仲春幾望庸愚子拜書

三國志通俗演義引

客問於余曰。劉先主。曹操。孫權。各據漢地。為三國。史已志其顛末。傳世久矣。復有所謂三國志通俗演義者。不幾近於贅乎。余曰。否。史氏所志。事詳而文古。義微而旨深。非通儒夙學。展卷間。鮮不便思。困睡。

故好事者以俗近語。隳枯成編。欲
天下之人。入耳而通其事。因事而
悟其義。因義而興乎感。不待研精
覃思。知正統必當扶。竊位必當誅。
忠孝節義必當師。姦貪諛佞必當
去。是是非非。了然於心目之下。裨
益風教。廣且大焉。何病其贅耶。客

仰而大喏曰。有是我子之不我誣也。是可謂羽翼信史而不違者矣。簡帙浩瀚。善本甚艱。請壽諸梓。公之四方可乎。余不揣謏劣。原作者之意。綴俚語四十韵於卷端。庶幾謔詠而有所得歟。於戲。牛溲馬勃。良醫所珍。孰謂稗官小說不足為

世道重輕哉

今古興亡數本天。就中人事亦堪憐。欲知三國蒼生苦。請聽通俗演義篇。忠烈赤心扶正統。姦回白首弄威權。須知善惡當師戒。遺臭流芳億萬年。獻帝仁柔漢祚衰。十常侍啓釁端開。董卓

妄意窺神器。何進無謀種禍胎。
渤海會兵昭日月。桃園歃血動
風雷。可憐多少英雄計。不及貂
蟬口舌才。曹操姦雄世無比。號
令諸侯挾天子。天子心知誅不
得。泣召董承受密旨。口血未乾
機先洩。國母元臣束手死。幸尔

玄德奔彭城。豪傑雲從期雪恥。
袁紹當年亦漢臣。井蛙豈識海
中鱗。不有關張龍虎將。皇孫顛
沛更難論。明良遭際真奇特。三
顧草廬不厭頻。卧龍突起甘霖
溥。恢復規模次第陳。孫權父子
據江東。觀望中原事戰攻。謀士

似雲翻白黑。長江如練列艨艟。
火炎赤壁阿瞞遁。襪入荊門大
耳窮。假使真心匡漢室。何勞數
計滅劉公。天相劉公詎可滅。萬
死一生堪哽咽。九犯中原偉丈
夫。七擒酋首真英特。梟獍誰能
繼漢高。猶豫未蹀姦賊血。軍師

大志不曾伸。僅初三川兩世業。
沛公百戰定乾坤。司馬何人敢
併吞。試看北面事讐者。漢國臣
寮舊子孫。天理民彝蕩掃地。鼎
味爭如蕨味馨。志士仁人空抱
恨。幾番血淚漬衣痕。人言三國
多才俊。我獨沉吟未深信。鷹犬

騫騰麟鳳孤。四海徒令蹈白刃。
天假數年壽孔明。山河未必輕
歸晉。此編非直口耳資。萬古綱
常期復振。

嘉靖壬午孟夏吉望關中修顙子
書于居易草亭

三國志宗僚

蜀

帝

先主劉備

字玄德涿郡涿縣人漢景帝玄孫在位三年壽六十三

後主劉禪

字公嗣先主之子在位四十二年壽六十五歲

后

昭烈皇后甘氏

沛縣人先主妾一

穆皇后吳氏

陳留人先主繼室

敬哀皇后張氏

後主妻張飛長女

皇后張氏後主繼室飛次女

先主三男

後主

劉永字公壽封魯王

劉理字奉孝封梁王

後主七男

劉璿字文衡太子

劉瑤封安定王

劉琮

劉瓚

劉諶

封北地王

劉恂

劉璩

列傳

諸葛亮

字孔明琅琊陽都人官至丞相

關其

字雲長河東解良人官至壽亭侯

張飛

字益德涿郡人官至車騎將軍

馬超

字孟起扶風茂陵人官至驃騎將

黃忠

字漢昇南陽人官至關內侯

趙雲

字子龍常山真定人官至鎮東將軍

龐統

字士元襄陽人官至軍師中郎將

法正

字孝直扶風瑽人官至尚書令護軍將軍

許靖

字文休汝南平輿人官至太傅

糜竺

字子仲東海朐人官至安漢將軍

孫乾

字功祐北海人官至兼中將軍

簡雍

字憲和涿郡人官至昭德將軍

伊籍

字機伯山陽人官至昭文將軍

秦宓

字子勅廣漢縣竹人官至大司農

董和

字幼宰南郡枝江人官至中郎將

劉巴

字子初零陵烝陽人官至尚書令

馬良

字季常襄陽宜城人官至侍中

陳震

字孝起南陽人官至尚書令

董允

字休昭南郡枝江人官至侍郎

劉封

無字羅侯寇氏子官至副將軍

呂乂

字季陽南陽人官至尚書令

彭義

字永年廣漢人官至江陽太守

廖立

字公淵武陵臨沅人官長水校尉

李嚴

字正方南陽人官至前將軍

劉琰

字威碩魯國人官至車騎將軍

魏延

字文長義陽人官至前軍師征西大將軍

楊儀

字公威襄陽人官至中軍師

霍峻

字仲邈枝江人官至梓潼太守

王連

字文儀南陽人官至江陽太守

向朗

字巨達襄陽宜城人官至左將軍

張裔

字君嗣蜀郡成都人官至長史

楊洪

字季休武陽人官至蜀郡太守

費詩

字公舉南安人官至諫議大夫

杜微

字國輔梓潼涪人官至諫議大夫

周羣

字仲直巴西閬中人官儒林校尉

杜瓊

字伯瑜成都人官至大長

許慈

字仁薦南陽人官至大長

孟光

字孝裕洛陽人官至大司農

來敏

字敬達義陽新野人官光祿大夫

尹默

字思潛梓潼涪人官至太中大夫

李譔

字欽仲涪人官至三郡太守

譙周

字允南巴西充國人官中散大夫

卻正

字令光河南偃師人官巴西太守

董權

字公衡閬中人官至車騎將軍

李恢

字德昂建寧俞元人官安漢將軍

呂凱

字季平永昌不韋人官雲南太守

馬忠

字德信閬中人官至鎮南大將軍

王平

字子均巴西宕渠人官鎮北將軍

張飛

字伯岐南充國人官盪寇將軍

蔣琬

字公琰零陵湘鄉人官至大將軍

費禕

字文偉江夏鄢人官至大將軍尚書令

姜維

字伯約天水冀人官至大將軍

鄧芝

字伯苗新野人官至車騎將軍

張翼

字伯恭武陽人官至左車騎將軍

宗預

字德豔南陽安衆人官至征西大將軍

廖化

字元儵襄陽人官至右車騎將軍

楊戲

字文然武陽人官至射聲校尉

別傳

劉焉

字君郎江夏竟陵人官至大將軍

劉璋

字季玉武陽人官至振威校尉

附傳

諸葛

諸葛瞻

董厥

張松

馬謖

陳祗

周倉

馬岱

向寵

蔣斌

傅僉

劉敏

蔣顯

衛繼

關平

張苞

關興

常播

孟達

張任

趙雲

吳懿

射受

賴恭

劉豹

向舉

殷純

趙祚

何宗

張爽

魏

吳班

王湛

陳習

陳幾

張南

傅彤

趙景

馮習

黃皓

帝

武帝

姓曹諱操字孟德沛國譙人壽六十六歲

文帝

諱丕字子桓操之子在位七年壽四十歲

明帝

諱叡字元仲丕之子在位十三年壽三十六歲

齊王

諱芳字蘭卿叡之養子在位十四年壽四十三歲廢為王

高貴鄉公

諱髦字彥士丕之孫東海定王霖之子在位七年壽二十

歲司馬氏弑之

陳留王

諱奐字景明操之孫燕王宇之子在位五年壽五十八歲禪位

於晉

后

武宣卞皇后

丕母琅琊陽都人

文昭甄皇后

獻母中山無極人

文德郭皇后

獻繼母安平廣宗人

明悼毛皇后

獻妻河內人

明元郭皇后

獻次妻西平人

本傳

夏侯惇

字元讓沛國譙人官至大將軍
謚忠侯七子二孫皆封關內侯

夏侯淵

字妙才惇族弟官至征西將軍
謚愍侯

曹仁

字子孝操拜大司馬謚忠侯

曹洪

字子廉操從弟

曹休

字文烈操族弟

曹真

字子丹操族子

夏侯尚

字伯仁淵從子

曹彰

字子文操次子封任城威王

曹植

字子建操次子封陳思王

曹熊

字子威操次子謚蕭懷王

荀彧

字文若潁川潁陰人官至侍中光祿大夫

荀攸

字公達彧之姪官至尚書令

賈詡

字文和武威姑臧人官至太尉壽鄉侯

袁渙

字曜卿陳郡扶樂人官至郎中令

張範

字公儀河內修武人官諫議大夫

涼茂

字伯方山陽昌邑人官太子太傅

國淵

字子尼樂安蓋人官至太僕卿

田疇字子泰右北平無終人官至議郎

王修

字叔治北海營陵人官至大司農郎中令

邴原

字根矩北海朱虛人官至五官將長史

管寧

字幼安朱虛人官至光祿勳

崔琰

字季珪清河東武城人官至中尉

毛玠

字孝先陳留平丘人官尚書僕射

徐爽

字季才東莞人官至中尉

何夔

字叔龍陳郡陽夏人官至太僕成陽亭侯

邢顗

字子昂河間鄭人官至司隸校尉閔內侯

鮑勛

字叔業泰山平陽人官御史中丞

司馬芝

字子華河內溫人官河南尹

鍾繇

字元常潁川長社人官至太傅定

華歆

字子魚平原高堂人官至太尉博

王朗

字景興東海郟人官司徒蘭陵侯

程昱

字仲德東阿人官衛尉安娜侯

郭嘉

字奉孝潁州陽翟人官至司空軍

董昭

字公仁齊陰定陶人官至衛尉樂

劉曄

字子陽淮南成德人官太中大夫

蔣濟

字子通楚國平阿人官至領軍將

劉放

字子棄涿郡人官至侍中光祿大

劉馥

字元穎沛國相人官至揚州刺史

司馬朗

字伯達河內溫人官兗州刺史

梁習

字子虞陳郡柘人官至大司農

張既

字德容馮翊高陵人官至西鄉侯

溫恢

字曼基太原祁人官至涼州刺史

賈逵

字梁道東阿襄陵人官至建威將

任峻

字伯達河南中牟人官長水校尉

蘇則

字文師扶風武功人官至都亭侯

杜畿

字伯侯京兆杜陵人官至尚書僕射豐樂亭侯

鄭渾

字文公開封人官至將作太匠

倉慈

字孝仁淮南人官至燉煌太守

張遼

字文遠鴈門馬邑人官至前將軍

樂進

字文謙陽平衛國人官至右將軍

于禁

字文則泰山鉅平人官安遠將軍

張郃

字萬義河間鄭人官至征西車騎將軍

徐晃

字公明河東楊人官至右將軍陽平侯

李典

字曼成山陽鉅野人官破虜將軍

李通

字文遠江夏平春人官汝南太守

臧罷

字宣高泰山華人官至執金吾扈

文聘

字仲業南陽宛人官至後將軍新

呂虔

字子恪伍城人官至萬年亭侯

許褚

字仲康譙國譙人官至武衛中郎

典韋

無字陳留己吾人官至都尉

龐惠

字令明南安獍道人官至五義將

龐涓

字子冀酒泉表氏人官中散大夫

閻溫 字伯儵 天水西城人 官至上邽令

王粲 字仲宣 山陽高平人 官至侍中

衛覬 字伯儒 河東安邑人 官至尚書閹

劉廙 字恭嗣 南陽安衆人 官至侍中 閹

劉劭 字孔才 廣平邯鄲人 官散騎常侍

傅嘏 字蘭石 北地泥陽人 官至尚書僕

桓階 字伯緒 長沙臨湘人 官至侍中 尚

陳群 字長文 潁川許昌人 官至司空

陳矯 字季弼 廣陵東陽人 官至司徒

徐宣

字寶堅廣陵海西人官至侍中光祿大夫

衛臻

字公振陳留襄邑人官至司徒長垣侯

盧毓

字子家涿郡涿人官司司空城侯

和洽

字陽士汝南西平人官至太常卿

常林

字伯樞河南溫人官至光祿大夫高陽鄉侯

楊俊

字季才河內獲嘉人官南陽太守

杜襲

字子緒潁川定陵人官太中大夫

趙儼

字伯然潁川陽翟人官至司空

裴潛

字文行河東聞喜人官光祿大夫

韓暨

字公至南陽堵陽人官至司徒

崔林

字德儒清河東武城人官至司空

高柔

字文惠陳留圉人官至太尉

孫禮

字德達涿郡容城人官至司空大

王觀

字偉臺東郡廩丘人官至司空陽

辛毗

字佐治陽翟人官至衛尉

楊阜

字義山天水冀人官至少府卿

高堂隆

字昇平泰山平陽人官至散騎

滿寵

字伯寧山陽昌邑人官至太尉

田預 字國謨 漁陽雍奴人 官太中大夫

牽招 字子經 安平閔津人 官鴈門太守

郭淮 字伯濟 太原陽曲人 官至車騎將

徐邈 字景山 燕國薊人 官至司空

胡質 字文德 楚國壽春人 官征東將軍

王昶 字文舒 太原晉陽人 官至征南將

王基 字伯輿 東萊曲城人 官征南將軍

王淩 字彥雲 太原祁人 官至太尉

毋丘儉 字仲恭 河東聞喜人 官至鎮東

諸葛誕

字公休瑯琊陽都人官至司空

鄧艾

字士載義陽棘陽人官至太尉

鍾會

字士季潁川長社人官至司徒

華陀

字元化沛國譙人善醫

杜夔

字公良河南人官至軍謀祭酒叅

朱建平

無字沛國人善相官至五官將

周宣

字孔和樂安人善圓夢官至中郎

管輅

字公明平原人善卜官至少府丞

武帝二十五男

卞后

生丕彰植熊

尹氏

生矩

劉氏

生昂鏐

王氏

生幹

環氏

生冲掾宇

孫氏

生上彪勤

杜氏

生林袞

李氏

生來整京

秦氏

生琰峻

劉氏

生棘

周氏

生均

趙氏

生茂

宋氏

生微

文帝九男

甄后

生獻

李氏

生協

潘氏生蕤

朱氏生鑒

仇氏生霖

徐氏生禮

蘇氏生邕

張氏生貢

宋氏生儼

列傳

董卓字仲穎隴西臨洮人官至大將軍

袁紹字本初汝南汝陽人官至大將軍

袁術字公路紹弟官至左將軍

劉表字景升山陽高平人官至鎮南將

呂布

字奉先五原郡九原人官至奮威將軍溫侯

張邈

字孟卓東平壽張人官陳留太守

臧洪

字子源廣陵射陽人官東郡太守

公孫瓚

字伯珪遼西令支人官至前將軍易侯

陶謙

字恭祖丹陽人官至安東將軍徐州牧潁陽侯

張楊

字稚叔雲中人官大司馬晉陽侯

公孫度

字昇濟遼東襄平人官至武威將軍永寧鄉侯

張燕

無字常山真定人官至平北將軍安國亭侯

張繡

無字武威祖厲人官至破羌將軍宣威侯

張魯

字公祺沛國豐人官至鎮南將軍

附傳

韓浩

史渙

曹純

曹肇

曹爽

曹義

曹彥

曹訓

何晏

鄧颺

丁謐

畢軌

李勝

桓範

胡昭

王烈

張臻

婁圭

孔融

許攸

鍾毓

王肅

董遇

隗禧

周生烈

孫曉

劉資

李淳

楊沛

杜恕

杜預

臧觀

張恭

張敬

徐幹

陳琳

阮瑤

應瑒

劉楨

繁欽

路粹

丁儀

丁廙

楊修

荀緯

應璩

阮籍

嵇康

桓威

吳質

潘勗

王象

繆襲

仲長統

蘇林

韋誕

夏侯

孫資

杜摯

裴秀

李傕

郭汜

令狐愚

唐咨

鄧泰

王弼

徐庶

棧潛

胡威

袁譚

袁尚

伍孚

逢紀

沮授

田豐

審配

辛評

陳溫

蒯良

蒯越

蔡瑁

鄆鄆淳

鄧忠

傅選

丁原

陳宮

陳珪

孫淵

陳登

吳

帝

武烈皇帝

姓孫諱堅字文臺吳郡富春人前破虜將軍後謚帝

長沙桓王

諱策字伯符堅之長子前討逆將軍後謚帝

大皇帝

諱權字仲謀策之弟在位三十一年壽七十歲

會稽王

諱亮字子明權之少子在位六年壽十七歲

景帝

諱休字子烈權之第六子在位七年壽二十歲

烏程侯諱皓字元宗權之孫在位十七

后

吳后

吳郡人權之母

徐后

吳郡富春人權妻

步后

臨淮淮陰人權妻亮之母

王后

瑯琊人權妻和之母

潘后

會稽句章人權妻

全氏

全尚之女亮妻

朱后

朱據之女休之妻

滕后

太常胤之族皓妻

何姬

丹陽句容人和妻

宗室

孫靜

字幼臺堅之弟官至昭義中郎將

孫瑜

字仲異靜之子官至奮威將軍

孫皎

字叔朗瑜之弟官至征虜將軍

孫真

字李明皎之子官至揚威將軍

孫翊

字叔弼權之弟官至丹陽太守

孫匡

字季佐翊之弟官至定威中郎將

孫賁

字伯陽堅之姪官至征虜將軍

孫輔

字國儀賁之弟官至平南將軍

孫登

字子高權之長子黃龍元年立為太子年三十歲卒

孫慮

字子智登之弟封建昌侯

孫和

字子孝慮之弟赤烏五年立為太子大元元年封為陽侯

孫霸

字子威和之弟封魯王

孫奮

字子揚霸之弟封齊王

孫桓

字統武和之子官至建武將軍丹徒侯

孫峻

字子遠靜曾孫官至丞相大將軍

孫琳

字子通峻之外弟官至大將軍永

孫韶

字公禮策賜姓官至鎮北將軍幽

列傳

劉繇

字正禮東萊升平人官振武將軍

太史慈

字子義東萊黃人官建昌都尉

士燮

字威彥蒼梧廣信人官至衛將軍

張昭

字子布彭城人官至輔吳將軍

顧雍

字元歎吳郡吳人官至尚書令陽

諸葛

謹字子瑜陽都人官至左將軍宛

步騭 字子山淮陰人官右將軍臨湘侯

張紘 字子綱廣陵人官至長史

嚴畯 字曼才彭城人官至尚書

程秉 字德樞汝南南頓人官太子太傅

闕澤 字德潤會稽山陰人官太子少傅

薛綜 字敬文沛郡竹邑人官太子少傅

周瑜 字公瑾廬江舒人官至偏將軍領

魯肅 字子敬臨淮東城人官至橫江將

呂蒙 字子明汝南富陂人官至南郡太

守孱陵侯

程普

字德謀右北平土垠人官至盪寇將軍

黃蓋

字公覆零陵泉陵人官偏將軍

韓當

字義公遼西令支人官昭武將軍

蔣欽

字公奕九江壽春人官盪寇將軍

周泰

字幼平九江下蔡人官至奮威將軍

陳武

字子烈蘆江松滋人官至偏將軍

董襲

字元代餘姚人官至偏將軍

甘寧

字興霸巴郡臨江人官折衝將軍

凌統

字公績餘姚人官至偏將軍

徐盛

字公嚮琅邪莒人官至安東將軍

潘璋

字文珪東郡發干人官振威將軍

丁奉

字承淵廬江安豐人官至右司馬左軍師

朱治

字君理丹陽故鄣人官至安國將軍毗陵侯

朱然

字義封朱治姊之子官至左司馬右軍師

呂範

字子衡汝南細陽人官至大司馬

朱桓

字佐穆吳人官至前將軍青州牧

虞翻

字仲翔餘姚人官至騎都尉

陸績

字公紀吳郡吳人官至偏將軍

張溫

字惠恕吳郡吳人官太子太傅

駱統

字公緒會稽烏傷人官建中郎將

吾粲

字孔休烏程人官至太子太傅

朱據

字子範吳郡吳人官至驃騎將軍

陸遜

字伯言吳人官至丞相

陸瑁

字子璋遜之弟官至議郎

陸抗

字幼節孫策之外孫官至偏將軍

賀齊

字公苗山陰人官後將軍

全琮

字子璜錢塘人官右司馬左軍師

吳岱

字定公廣陵海陵人官至大司馬

周魴

字子魚陽羨人官偏將軍閔內侯

鍾離牧

字子幹山陰人官至前將軍

潘璿

字承明武陵漢壽人官至太常卿

陸凱

字敬風吳郡吳人官征西大將軍

是儀

字子羽北海營陵人官尚書僕射

胡綜

字偉則汝南固始人官至偏將軍

吳范

字文則上虞人官騎都尉太史令

劉惔

字子仁平原人官至太史令

趙達

無字河南人官至太史丞

諸葛恪

字元遜瑾長子官至太子太傅

滕胤

字子嗣北海劇人官至衛將軍

濮陽興

字子元陳留人官至丞相

王蕃

字永元廬江人官至散騎中常侍

樓玄

字承先沛國蘄人官至大司農

賀邵

字興伯山陰人官至中書令太子

韋躍

字弘嗣吳郡雲陽人官中書僕射

華覈

字永先吳郡武進人官至中書丞

附傳

劉基

士徽

士懿

吳景

徐真

徐現

徐鄰

張承

張林

張奮

顧邵

顧譚

顧承

諸葛融

步闡

張玄

張尚

裴玄

唐國

薛羽

薛營

陳表

朱續

朱變

呂據

虞紀

虞中

虞偉

虞芮

陸宏

陸睿

徐詳

劉讚

三國志宗僚終

三國志通俗演義卷之一

目錄

祭天地桃園結義

劉玄德斬寇立功

安喜張飛鞭督郵

何進謀殺十常侍

董卓議立陳留王

呂布刺殺丁建陽

廢漢君董卓弄權

曹孟德謀殺董卓

曹操起兵伐董卓

虎牢關三戰呂布

三國志通俗演義卷之一

晉平陽侯陳壽史傳

後學羅本貫中編次

祭天地桃園結義

後漢桓帝崩。靈帝即位。時年十二歲。朝廷有大將軍竇武。太傅陳蕃。司徒胡廣。共相輔佐。至秋九月。中涓曹節。王甫。弄權。竇武陳蕃預謀誅之。機謀不密。反被曹節王甫所害。中涓自此得權。建寧二年。四月十五日。帝會群臣。

於溫德殿中。方欲陞座。殿角狂風大作。見一條青蛇。從梁上飛下來。約二十餘丈長。蟠於椅上。靈帝驚倒。武士急慌救出。文武互相推擁。倒於丹墀者無數。須臾不見。片時大雷大雨。降以冰雹。到半夜方住。東都城中。壞却房屋數千餘間。建寧四年二月。洛陽地震。省垣皆倒。海水泛溢。登萊沂密。盡被大浪捲掃。居民入海。遂改年熹平。自此邊界時有反者。熹平五年。改為光和。雌雞化雄。六月朔。黑氣十

餘丈。飛入溫德殿中。秋七月。有虹見於玉堂。
五原山岸盡皆崩裂。種種不祥。非止一端。於
是靈帝憂懼。遂下詔。召光祿大夫楊賜等。詣
金商門。問以災異之由。及消復之術。賜對曰。
臣聞春秋識曰。天投蜺。天下怨。海內亂。加
四百之期。亦復垂及。今妾媵奄尹之徒。共
專國朝。欺罔日月。又鴻都門下。招會羣小。
造作賦稅。見寵於時。更相薦說。旬月之間。
並各拔擢。樂松處常伯。任芝居納言。卻儉。

梁鵠各受豐爵。不次之寵。而令縉紳之徒。

委伏畎畝。

古畝字

口誦堯舜之言。身蹈絕俗

之行。棄捐溝壑。不見逮及。冠履倒易。陵谷

代處。幸賴皇天。垂象譴告。周書曰。天子見

恠。則修德。諸侯見恠。則修政。卿大夫見恠。

則修職。士庶人見恠。則修身。

此逸書也

唯陛下

斥遠佞巧之臣。速徵鶴鳴之士。斷絕尺一。

抑止槃游。冀上天還威。衆變可弭。

議郎蔡邕亦對。其畧曰。臣伏思諸異。皆亡。

國之恠也。天於大漢。殷勤不已。故屢出妖
變。以當譴責。欲令人君感悟。改危即安。蜺
墜雞化。皆婦人干政之所致也。前者乳母
趙嬈。音饒貴重天下。永樂門史霍玉。又為奸
邪。察其趙霍。將為國患。張顥。偉璋。偉姓璋名趙
珰。蓋音令並叨時幸。宜念小人在位
之咎。伏見郭禧。橋玄。劉寵。皆忠實老成。宜
為謀主。夫宰相大臣。君之四體。不宜聽納
小吏。雕琢大臣也。且選舉請託。衆莫敢言。

臣願陛下忍而絕之。左右近臣亦宜從化。人自抑損。以塞咎戒。則天道虧滿。鬼神福謙矣。夫君臣不密。上有漏言之戒。下有失身之禍。願寢臣表。無使盡忠之吏。受怨姦仇。謹奏。

帝覽奏而歎息。因起更衣。曹節在後竊視。悉宣告左右。事遂洩漏。邕等被罪。中涓呂強憐其才。奏請免罪。後張讓。趙忠。封譖。段珪。曹節。侯覽。蹇碩。程璜。夏輝。郭勝。這十人執掌朝綱。

自此天下桃李皆出於十常侍門下。朝廷待
十人如師父。由是出入宮闈。稍無忌憚。府第
依宮院蓋造。不題却說中平元年。甲子歲。鉅
鹿郡有一人。姓張。名角。一個兄弟張梁。一個
兄弟張寶。角初是個不第秀才。因往山中采
藥。遇一老人。碧眼童顏。手執藜杖。喚角至洞
中。授書三卷。名太平要術。咒符。以道為念。代
天宣化。普救世人。若萌異心。必獲惡報。角拜
求姓名。老人曰。吾乃南華老仙。遂化陣清風。

不見了。角得此書。曉夜攻習。能呼風喚雨。號
為太平道人。中平元年。正月內。疫毒流行。張
角散施符水。稱大賢良師。請符救病者。無有
不應。令患者親詣座前。自說已過。角與懺悔。
以致福利。角有徒弟五百餘人。雲遊四方救
病。次後徒衆極多。角立三十六方。分布大小
方者。乃將軍之稱也。大方萬餘人。小方六七
千。各立渠帥。訛言蒼天已死。黃天當立。歲在
甲子。天下大吉。令衆以白土寫甲子二字於

各家門上。及郡縣市鎮宮觀寺院門上。亦書甲子二字。青。徐。幽。冀。荆。揚。兗。豫。其八州之人。家家侍奉大賢良師張角名字。角遣大方馬元義。暗賫金帛。結交十常侍封譖。徐奉。以為內應。角與弟梁寶商議云。至難得者。民心也。今民心已順。若不乘勢取天下。誠為萬代之可惜。梁云。正合弟機。一面造下黃旗。約會三月初五。一齊舉事。遣弟子唐州。馳書報封譖。唐州遂赴省中告變。帝召大將軍何進調兵。

先擒馬元義斬之。次收封諤等一千人下獄。張角聞知事發。星夜起兵。張角自稱天公將軍。弟寶稱地公將軍。弟梁稱人公將軍。召百姓云。今漢運數將終。大聖人出。汝等皆宜順天從正。以應太平。四方百姓。裹黃巾從張角反者。四五十萬。逢州遇縣。放火劫人。所在官吏。望風逃竄。何進奏帝。火速分頭降詔。令各處備禦。討賊立功。一面差中郎將盧植。皇甫嵩。朱雋。各引精兵。分三路討之。且說張角一

軍前犯幽燕界分。校尉鄒靖來見幽州太守。太守姓劉。名焉。字均郎。江夏竟陵人也。漢魯恭王之後。劉焉問鄒靖云。黃巾生發。侵及境界。當如之何。靖曰。既漢天子有明詔。令各處討賊。明公何不招軍。以助國用。焉然其說。隨即出榜。各處張掛。招募義兵。量才擢用。時榜文到涿縣。張掛去。涿縣樓桑村。引出一個英雄。那人平生不甚樂讀書。喜犬馬。愛音樂。美衣服。少言語。禮下於人。喜怒不形於色。好交

游天下豪傑。素有大志。生得身長七尺五寸。
兩耳垂肩。雙手過膝。目能自顧其耳。面如冠
玉。唇若塗朱。中山靖王劉勝之後。漢景帝閼
下玄孫。姓劉。名備。表字玄德。昔劉勝之子。劉
貞。漢武帝元狩六年。封為涿郡陸城亭侯。坐
酎金失侯。因此這一枝在涿郡。玄德祖劉雄。
父劉弘。因劉弘曾舉孝廉。亦在州郡為吏。備
早喪父。事母至孝。家寒。販履織席為業。舍東
南角上有一桑樹。高五丈餘。遙望童童。

獨立

如小車蓋。往來者皆言此樹非凡。相者李定云。此家必出貴人。玄德年幼時。與鄉中小兒

戲於樹下。曰。我為天子。當乘此羽葆車蓋。

翁題樓桑詩曰。樓桑大樹翠纈紛。鳳鳥鳴時。曾一聞。合使本文垂百世。詎知功業只三分。

叔父責曰。汝勿妄言。滅吾門也。年一十五歲。

母使行學。與同宗劉德然。遼西公孫瓚為友。

玄德叔父劉元起。見玄德家貧。常資給之。元

起妻曰。各自一家。何能常耳。元起曰。吾宗中

有此兒。非常人也。中平元年。涿郡招軍。此時

玄德年二十八歲。立於榜下。長歎一聲而回。隨後一人。厲聲言曰。大丈夫不與國家出力。何苦長歎。玄德回顧。見其人。身長八尺。豹頭環眼。燕頤虎鬚。聲若巨雷。勢如奔馬。玄德見此人形貌異常。遂與同入村中。問其姓名。其人曰。吾姓張。名飛。字益德。世居涿郡。頗有莊田。賣酒屠猪。專好結義。天下壯士。却纔見公看榜。緣何長歎。玄德曰。我本漢室宗親。姓劉名備。字玄德。今聞黃巾賊起。劫掠州縣。有心

待掃蕩中原。匡扶社稷。恨力不能耳。飛曰。正合吾機。吾有莊客數人。同舉大事。若何。玄德甚喜。留飲酒間。見一大漢。推一輛小車。到店門外。歇下車子。入來飲酒。坐在桑木凳上。喚酒保。即釀酒來。我待趕入城去充軍。怕遲了。玄德看其人。身長九尺三寸。髯長一尺八寸。面如重棗。唇若抹朱。丹鳳眼。卧蚕眉。相貌堂堂。威風凜凜。玄德就邀同坐。問及姓名。其人言曰。吾姓關。名羽。字長生。其後改為雲長。乃

河東解良人也。因本處豪霸倚勢欺人。關某殺之。逃難江湖。五六年矣。今聞招募義士。破黃巾賊。欲往應募。玄德遂以已志告之。三人大喜。同到張飛庄上。共論天下之事。關張年紀皆小。如玄德。遂欲拜為兄。飛曰。我莊後有一桃園。開花茂盛。明日可宰白馬祭天。殺烏牛祭地。俺兄弟三人。結生死之交。如何。三人大喜。次日。於桃園中。列下金紙銀錢。宰殺烏牛白馬。列於地上。三人焚香再拜。而說誓曰。

念劉備。關羽。張飛。雖然異姓。結為兄弟。同心協力。救困扶危。上報國家。下安黎庶。不求同年同月同日生。只願同年同月同日死。皇天后土。以鑒此心。背義忘恩。天人共戮。誓畢。共拜玄德為兄。關某次之。張飛為弟。祭罷天地。同拜玄德老母。將祭福物。聚鄉中英雄之人。得三百有餘。就桃園中。痛飲一醉。來日。收拾軍器。恨無匹馬可乘。正思慮間。人報。有兩客人。引十數伴當。赶一羣馬。投莊上來。玄德曰。

此天祐我等。當成大事。三人出庄迎接。為頭
兩個商人。乃中山大商。一個是張世平。一個
是蘇雙。遞年往壯地販馬。正值寇發。歸鄉回
來。玄德請二人到庄上。置酒管待。訴及欲與
民除害。扶助漢朝。張世平蘇雙大喜。愿將良
馬五十匹。送與玄德。又贈金銀五百兩。鑲鐵
一千斤。以資器用。玄德求良匠。打造雙股劍。
關某造八十二斤青龍偃月刀。又名冷艷鋸。
張飛造丈八點鋼矛。各製全身鎧甲。一齊完

備。共聚五百餘人。來見鄒靖。鄒靖引見太守
劉焉。三人參拜已畢。問其姓名。說起宗派。劉
焉大喜云。既是漢室宗親。但有功勲。必當重
用。因此認玄德為姪。整點軍馬。人報黃巾賊
大方程遠志。人馬五萬。哨近涿郡。劉焉差馬
步校尉鄒靖。着引劉玄德為先鋒。前去破敵。
玄德大喜。即與關張飛身上馬。來幹大功。試
看怎生取勝。

劉玄德斬寇立功

玄德部領五百餘衆。飛奔前來。直至大興山下。與賊相見。各將陣勢擺開。玄德出馬。左有關某。右有張飛。揚鞭大罵。反國逆賊。何不早降。程遠志大怒。遣副將鄧茂挺鎗直出。張飛睜環眼。挺丈八矛。手起處。刺中心窩。鄧茂翻身落馬。後有人讚益德曰。欲教勇鎮三分國。先試衡鋼丈八矛。程遠志見拆了鄧茂。拍馬舞刀。直取張飛。關某躍馬舞刀直出。程遠志見了。心膽皆碎。措手不及。被關某刀起處。揮

為兩段。後人讚雲長曰。惟憑立國安邦手。先試青龍偃月刀。衆賊見程遠志被斬。倒戈卸甲。投降者不知其數。斬首數千級。大獲功而回。太守劉焉親自迎接。賞勞三軍。又流星飛報青州太守龔景。有牒文告急。言黃巾賊圍城將陷。乞賜救援。劉焉與玄德共議。玄德曰。愿往救之。劉焉令鄒靖將兵五千。隨玄德去救。玄德關張上馬。投青州來。遙望見賊人皆披髮。以黃絹抹額。畫以八卦文為號。賊衆見

救軍。分兵混戰。玄德兵寡不勝。退三十里下寨。玄德與關張曰。賊衆我寡。必出奇兵。然後取勝。乃分關某引一千軍伏山左。張飛引一千伏山右。鳴金為號。齊出為應。次日玄德鄒靖引軍操鼓而進。賊衆大喊如潮湧到。玄德便退。賊衆乘勢追趕過山嶺。玄德軍一齊鳴金。左關某。右張飛。兩軍齊出。玄德軍回。三路掩殺。賊衆大敗。直趕至青州城下。太守龔景亦率民兵出城助戰。賊勢大潰。勦戮極多。餘

黨敗走。遂解青州之圍。太守犒賞諸軍。鄒靖欲回。玄德曰。近聽知中郎將盧植與賊首張角戰於廣宗。備昔與公孫瓚師事盧植。欲往就之。同力破賊。鄒靖曰。糧食可以應付。軍馬不敢妄動。因此玄德自引本部五百人投廣宗來。鄒靖引軍自回。玄德與關張來到盧植寨前。屯住人馬。報覆良久。植喚三人入帳。施禮罷。植問玄德行藏。玄德說了。盧植大喜。賞勞了畢。着在帳前聽調。時張角賊衆十五萬。

屯廣宗。盧植兵五萬餘衆。雖連勝幾陣。未見次第。植喚玄德曰。我見今圍賊在此。賊弟張梁張寶在潁川。與皇甫嵩朱雋等廝殺。汝可引本部軍馬。更助汝一千官軍。就去打聽消息。約會勦捕。玄德領了文書。與關張星夜投潁川來。其時皇甫嵩朱雋領官軍與賊大戰。賊戰不利。乃退入長社。依草結營。嵩四面圍定。嵩與雋曰。賊在此依草結營。除非用火攻。可勝。雋曰。候大風起。可施此計。目今令軍士

每人束草一把。其夜大風驟起。嵩先令精銳軍士暗地先出。是夜二更。內外一齊縱火。嵩雋各引兵操鼓出奔賊寨。火燄張天。賊衆驚慌。馬不及鞍。人不及甲。四散走奔。殺到天明。張梁張寶引敗殘軍士奪路而走。見一彪人馬盡行打紅旗。當頭來到。截住去路。為首閃出一箇好英雄。身長七尺。細眼長髯。膽量過人。機謀出衆。嘆齊桓晉文。無匡扶之才。論趙高王莽。少縱橫之策。用兵彷彿孫吳。曾內熟。

諳韜畧。官拜騎都尉。沛國譙郡人也。姓曹。名操。字孟德。乃漢相曹參二十四代孫。操曾祖曹節。字元偉。仁慈寬厚。有隣人失去一猪。與節家猪相類。登門認之。節不與爭。使驅之去。後二日。失去之猪自歸。主人大慙。送還節。再拜伏罪。節笑而納之。其人寬厚如此。節生四子。第四子名騰。字季興。桓帝朝為中常侍。後封費亭侯。養子曹嵩。原是夏侯氏子。過房與曹騰為子。因此姓曹。嵩為人忠孝純雅。官拜

司隸校尉。靈帝拜為大司農。遷大鴻臚。嵩生

操。小字阿瞞。一名吉利。操年幼時。好飛鷹走

犬。喜歌舞吹彈。少機警。有權數。機警謂有機

數謂權遊蕩無度。叔父恠之。言於曹嵩。嵩每

鞭撻操。操忽心生一計。一日見叔父來。詐倒

於地。敗面喎口。叔父慌問之。操曰。卒中風耳。

叔父歸。告於嵩。操潛地歸家。嵩驚而問曰。汝

中風已瘥乎。操曰。自来無此疾病。但失愛於

叔父。故見罔耳。嵩乃信其言。後叔父但言操

過失。嵩並不聽。因此操得恣意放蕩。不務行
業。時人未之奇也。惟有橋玄一見曹操。指而
言曰。天下將亂。非命世之才。不能濟也。能安
之者。其在君乎。南陽何顓見操。言漢室將亡。
安天下者。必是此人也。汝南許劭有高名。操
往見之。問曰。我何如人耶。劭不荅。又問。劭曰。
子治世之能臣。亂世之奸雄也。操喜而謝之。
橋玄嘗曰。君未有名。可交。許子將子將者。訓
之。從子劭也。好人倫。多所賞識。與從兄靖俱
有高名。好共覈論。鄉黨人。物每月輒更其品。
題故汝南俗有月旦評焉。曹操往造劭。而問。

之曰我何如人。劬鄙其為人。不答。操又劫之。劬曰。子治世之能臣。亂世之奸雄。操大喜而去。

年二十。舉孝廉。為郎。除洛陽北都尉。初到任。縣四門各設五色棒十餘條。有犯禁者。不避豪傑。皆棒責之。靈帝所喜。小黃門蹇碩的叔父。提刀夜行。操巡夜。拏住。就棒責之。由是內外莫敢犯者。威名頗震寰宇。後為頓丘令。因黃巾起。拜為騎都尉。引馬步軍五千。前來潁川助戰。正值張梁。張寶敗走。曹操攔住。大殺一陣。斬首萬餘級。奪到旗幡金鼓馬匹極

多。梁寶死戰得脫。操來見皇甫嵩。朱雋賞勞了畢。便教曹操引兵追襲。操欣然去了。却說玄德引關張來潁川。聽得喊殺之聲。望見火光。照得夜明。急引兵來。時賊已敗散。玄德持書見皇甫嵩。朱雋。言盧植事。嵩曰。張梁。張寶。勢窮力乏。必投廣宗。去依張角。汝可即便星夜往助。勿得遲慢。玄德拜辭。引兵復回。於路正逢一軍。約三百餘人。護送一輛檻車。視之。乃盧植也。玄德大驚。滾鞍下馬。問其緣故。植

曰。我圍張角。將次可勝。被角用妖術。因此未
能全勝。今上差小黃門左豐。前來體探。問我
要賄賂。我答曰。軍中缺錢。安有奉承天使。左
豐挾恨。回奏上曰。廣宗之賊。極容易破。盧植
高壘不戰。惰慢軍心。以待天自誅戮。因此恠
怒。遣中郎將董卓替了。取我回京。師問罪去
也。張飛聽罷。大怒。要斬護送軍人。以救盧植。
玄德急止曰。朝廷自有公論。汝豈可躁音暴。
關公亦當住。軍士簇擁盧植去了。關公曰。盧

中郎已自罷了軍權。別人領兵。我等去無所依。不如且回涿郡。玄德曰。然。遂引軍望北而行。行無二日。忽聞山後喊聲大舉。殺氣遮天。玄德引關張。縱馬上高岡望之。見漢軍大敗。後面漫山塞野。黃巾蓋地而來。旗幡大書天公將軍。玄德曰。此必是張角也。可速戰之。三人引軍。操鼓而出。張角正殺敗董卓。乘勢趕來。忽見山背後一彪人馬飛出。當先玄德。左有關公。右有張飛。衝殺。角軍大亂。趕追五十

餘里。救了董卓回寨。三人來見董卓。卓問見居何職。玄德對曰。白身。卓甚輕之。不與賞賜。玄德出。張飛大怒。曰。我等親赴血戰。救了這厮。到觀人如無物。吾不殺之。難解怒氣。提刀入帳。來殺董卓。試看董卓性命如何。且聽下回分解。

安喜張飛鞭督郵

董卓。字仲穎。隴西臨洮人也。卓數討羌胡。累有邊功。官拜河東太守。鎮領中郎將。自來驕。

傲於人。以致張飛性發。欲殺董卓。關公急抱
住。玄德叱之曰。我等皆白身之人。他是朝廷
命官。掌握許多人馬。汝今殺之。將欲反耶。飛
曰。若在卓部下聽令。吾必去矣。玄德曰。吾三
人死生共處。安可棄也。不若離了董卓。別投
他處。飛曰。若如此。方解我恨。是夜。三人引軍
來投朱雋。雋待之甚厚。合兵一處。進討張寶。
是時曹操自跟皇甫嵩。進討張梁。大戰於曲
陽。且說朱雋進攻張寶。張寶尚引黃巾賊衆。

八九萬。屯於山後。雋令玄德為先鋒。與寶對敵。三人立馬陣前。張寶令副將高升出馬。揮大刀搦戰。張飛縱馬挺矛。與升交戰。戰不數合。飛刺高升墜馬。玄德引馬軍直衝過去。張寶就馬上披髮仗劍作用。風雨大作。黑氣冲天。無限人馬自天而降。玄德急回。軍兵大亂。被張寶殺敗。退見朱雋。雋曰。此妖術也。來日宰猪羊取血。令軍伏於山上。候戰赶到。乘高潑之。其法可解。玄德聽令已畢。分撥關公。張

飛各引軍一千。伏於山後。兩山之上。差軍五百。盛猪羊血。并穢物。準備。次日張寶。搖旗擂鼓。引軍搦戰。玄德披掛上馬出戰。兩軍交戰之際。張寶作用。平地風雨大作。飛砂走石。一道黑氣。自軍中起。滾滾人馬。自天而下。玄德撥馬便走。張寶人馬趕來。望過山頭。一聲砲響。五百軍。將穢物齊潑。但見空中紙人草馬。紛紛墜地。風雷頓息。砂石不能飛。張寶見解了法。急引兵退山後。左邊關公一彪軍出。右

邊張飛一彪軍出。背後玄德。朱雋。一齊赶上。賊兵大敗。張寶於亂軍中奪路而走。玄德遙見地公將軍旗號。飛馬趕來。張寶落荒而走。被玄德扯滿弓。只一箭。射中左臂。張寶帶箭入陽城。堅守不出。這一陣。殺賊三萬餘衆。降者不計其數。朱雋引軍圍住陽城。月餘不下。差人體探皇甫嵩信息。人回報說。皇甫嵩大獲勝捷。張角連敗數陣。朝廷差皇甫嵩伐之。時張角已死。弟張梁用王者衣冠葬之。皇甫

嵩連羸七陣。斬張梁于曲陽之下。發掘張角
棺槨。梟首送往京師。降者十五萬人。殺戮者
不可勝數。朝廷加皇甫嵩車騎將軍。領冀州
牧。一時人皆得官爵。將騎都尉曹操除濟南
相。已皆赴任去訖。朱雋聽說。催促軍馬。攻打
破陽城。勢已危急。從賊嚴政。刺殺張寶。獻首
投降。朱雋遂平數郡。使人進表奏功。朝廷正
待商議陞用。飛報奏黃巾餘黨。南陽趙弘。韓
忠。孫仲。聚衆十餘萬。望風燒掠。稱與張角報

讐。大臣上奏。即日朱雋見屯兵六萬餘衆。可就令討之。即日降詔。朱雋領了詔旨。大小三軍起行。比及前至宛城。趙弘遣韓忠前來迎戰。各陳兵于野。朱雋遣玄德。關張攻城西南角。鳴鼓大戰。韓忠盡率精銳之衆。來西南角。玄德鏖戰。從辰至午。賊衆不退。朱雋自將鐵騎二千。迺取東北角。翻身殺賊。賊恐失城。急棄西南而回。玄德從背後掩殺。賊衆大敗。奔入宛城。朱雋分兵四面圍定。城中斷糧。韓忠

使人出城投降。玄德引見。說忠投拜。雋不許。玄德曰。昔高祖之得天下。蓋爲能招降納順。公何不用。雋笑曰。玄德諫者差矣。天時有不
同也。昔秦項之際。天下大亂。民無定主。故招
降賞附。以勸來耳。今海內一統。惟黃巾造逆。
若容其降。無以勸善。使賊得利。恣意劫掠。賊
若失利。便使投降。此長寇之志。非良策也。玄
德稱善。告雋曰。不容寇降。是矣。今四面圍如
鐵桶。賊乞降不得。必然死戰矣。萬人一心。尚

不可當。况城中。有數萬死命之人乎。不若徹去東南。留西北。盡力攻打。賊必棄城而走。無心戀戰。可即擒也。雋曰。高見。隨撤去東南。二面軍馬。一齊攻打西北。韓忠果引軍棄城奔走。雋大率三軍掩殺。朱雋親自射殺韓忠。餘皆四散奔走。趙弘。孫仲。引賊衆到來。與朱雋交戰。雋見弘勢大。引軍暫退。弘乘勢復奪宛城。雋離三十里下寨。正欲攻打。見正東一彪人馬到來。見朱雋。那人生得廣額闊面。虎體。

熊腰。吳郡富春人也。姓孫名堅字文臺。乃孫
武子之後。年十七歲時。為縣吏。與父共搬至
錢塘。正見海賊胡玉等十餘人。劫取商人財
物。方於岸上分贓。行旅皆住。不敢進船。堅謂
父曰。此人可擒之。父曰。非汝所圖也。堅奮力
提刀上岸。揚聲大叫。東西指揮。如喚人意。賊
以為官兵至。盡棄財物奔走。堅赶上殺一賊。
由是郡縣知名。保為校尉。後會稽妖賊許昌
造反。自稱陽明皇帝。聚眾數萬。堅與郡司馬

募招勇士千餘人。會合州郡破之。斬許昌。并其子許韶。刺史臧旻上表。奏孫堅功蹟。除堅為鹽瀆丞。又除盱眙丞。下邳丞。見黃巾寇起。聚集鄉中少年。及諸商旅。并淮泗精兵。一千五百餘人。前來接應。朱雋大喜。便令堅攻打南門。玄德打北門。朱雋打西門。留東門與賊走。是日孫堅首先登城。斬賊二十餘級。賊衆奔潰。趙弘飛馬突棚。直取孫堅。孫堅從城上飛身取弘。手奪弘棚。直刺下馬。却騎弘馬飛。

身往來殺賊。孫仲引賊突出北門。正迎玄德。無心戀戰。只待奔逃。玄德張弓一箭。正中孫仲。翻身落馬。朱雋大軍隨後掩殺。斬首數萬級。降者不可勝計。南陽一路十數郡皆平。雋班師回京。拜車騎將軍。河南尹。雋保孫堅劉備等功。堅有人情。除別郡司馬。辭玄德而去。惟玄德聽候日久。不得除授。三人鬱鬱不樂。上街閑行。正值郎中張鈞車到。玄德攔住說功蹟。鈞大驚。隨入朝來見帝。曰。昔黃巾造反。

其原皆由十常侍。賣官害民。非親不用。非讐不誅。以致天下大亂。宜斬十常侍。懸頭南郊。遣使者布告天下。有功重加賞賜。則四海自清平也。十常侍曰。張鈞欺主也。可令武士推出朝門。張鈞氣倒。帝與十常侍共議。此必是破黃巾有功者。不得除授。故生怨言。權且教省家。銓註微名。待後有功。却再理會。未晚。因此玄德除授定州中山府安喜縣尉。克日赴任。玄德將軍四散回鄉里。隨行二十餘人。與

關張來安喜縣中到任。署縣事一月。與民秋
毫無犯。其盜者皆化為良民。到任之後。與關
張食則同卓。寢則同床。如玄德在稠人廣坐
關張侍立。終日不倦。到縣未及四月。州郡被
詔。其有軍功為長吏者。當沙汰。備疑在遣中。
督郵至縣。督郵乃宋參軍判官有權玄德出廓迎接。見督
郵到。慌忙下馬施禮。督郵坐在馬上。惟微以
鞭指回答。關張氣填骨髓。敢怒而不敢言。隨
到館驛中。督郵正面高坐。玄德立於階下。將

及兩箇時辰。督郵問曰。劉縣尉是何根脚。玄德曰。備是中山靖王之後。自涿郡勦戮黃巾。大小三十餘戰。把功勞畧節提過。督郵大喝。乱道。你這廝詐稱皇親。虛報功蹟。目今朝廷降詔書。正要問這等人。沙汰濫官汙吏耳。玄德喏喏連聲而退。歸到縣中。與縣吏商議。吏曰。督郵作威。無非要賄賂。玄德曰。我與民秋毫無犯。那得財物與他。次日督郵先提縣吏去。勒要文書。教指縣尉害民。玄德自往見之。

被當住在門外。不肯放參。玄德再三求見。終不得入。回到縣衙。心中怏怏。却說張飛飲了數盃悶酒。上馬從館驛前過。見五六十個老人。皆在門前痛哭。飛問其故。衆老人答曰。督郵逼勒縣吏。欲害劉玄德。我等皆來苦告。不得放入。反遭把門人趕打。張飛大怒。睜圓環眼。咬碎鋼牙。滾鞍下馬。迺入館驛。把門人見了。皆遠遠躲避。直奔後堂。見督郵坐于廳上。將縣吏綁倒在地。飛大喝。害民賊。認得我麼。

督郵急起。喚左右捉下。被張飛用手揪住頭

髮。直扯出館驛。迺揪到縣前。馬柳上縛住。

魚柳

浪切繫
馬椿也

飛攀下柳條。去督郵兩腿上。鞭打到

二百。打折柳枝十數條。玄德正納悶間。聽得

縣前鼎沸。慌問左右。荅曰。張將軍綁一人在

縣前痛打。玄德慌出觀之。見飛大罵不止。綁

縛者。督郵也。玄德驚問其故。飛曰。此等害民

賊。不打死等甚。督郵告曰。玄德公。救性命。玄

德是仁慈的人。急喝張飛住手。傍邊轉過關

公來。曰。兄長建下許多大功。只得縣尉之職。被督郵如此無禮。吾思枳棘叢中。非棲鳳凰之所。不如殺督郵。棄官歸鄉。別圖遠大之計。玄德取印綬。掛於督郵之頸。責之曰。據汝賊徒害民。當以殺之。吾有所不忍。還官印綬。吾已去矣。玄德關張。連夜回涿郡。縣民解放督郵。督郵歸。告定州太守。太守動文書。申聞省府。差人捕捉。玄德關張三人事急。車載老小。往代州投劉恢。恢見玄德。乃漢室宗親。隱匿。

養贍在家。不題。却說十常侍既握重權。互相商議。但有所不從已者。乃誅之。趙忠。張讓。差人問破黃巾將士。索金帛。不從者。奏罷職。皇甫嵩。朱雋。皆不肯與。趙忠等奏帝。皇甫嵩。朱雋。皆是捏合功勞。並無實跡。帝准奏。罷皇甫嵩。朱雋。官。封趙忠等為車騎將軍。張讓等十人。皆封列侯。司空張溫為太尉。崔烈為司徒。此皆是結好十常侍。故得為三公。因此漁陽張舉。張純。反。舉稱天子。純稱大將軍。長沙

賊區

音歐

星。各處蜂起。表章雪片告急。十常侍

皆藏匿。只奏天下無事。一日帝在後園。與十

常侍飲宴。諫議大夫劉陶。逕到帝前大慟。帝

問其故。陶曰。漢天下危在旦夕。陛下尚自與

閹官共飲耶。帝曰。國家承平日久。有何危急。

陶曰。四方賊盜並起。侵掠州郡。其禍皆由十

常侍。貴官害民。欺君罔上。朝廷正人皆去。禍

在目前矣。十常侍皆免冠流涕。跪於帝前曰。

大臣不容。臣等不能活矣。願乞性命歸田里。

盡將家產以助軍資。帝曰：汝家亦有近侍之人。何不容寬人耶？呼武士推出劉陶斬之。劉陶大呼：臣死不怕。可憐漢朝天下四百餘年。到此一旦休矣。推至宮門。一大臣喝住。勿得下手。待吾諫去。此人是誰？

何進謀殺十常侍

宮門外攔住的。乃是司徒陳耽。迳入宮中。來見天子。諫曰：劉諫議得何罪而賜誅戮？帝曰：毀謗大臣。冒瀆朕躬。耽曰：天下人民欲食十

常侍之肉。陛下敬如父母。豈有此理。且十常侍身無寸功。皆封列侯。况封譖等結連黃巾。欲為內亂。陛下今不自省。漢社稷立見崩摧矣。帝曰。封譖作亂。其事不明。十常侍中。豈無一二忠臣。陳耽以頭撞堦而諫。帝怒。命牽出。與劉陶皆下獄中。是夜俱謀殺之。趙忠差人。以孫堅為長沙太守。討區星。不五十日報捷。江夏平復。奏封孫堅為烏程侯。封劉焉益州牧。就討四川寇賊。封劉虞為幽州牧。領兵漁

陽征張舉張純。劉焉到川。狂寇皆降。焉開倉賑濟百姓。民感其恩。劉虞興兵討張舉。代州劉恢書薦玄德見虞。虞大喜。令玄德為都尉。丘毅為先鋒。直抵賊巢。與賊大戰數日。挫動銳氣。張純專一凶暴。鞭撻士卒。因此帳下數十人商議。一齊心變。刺殺張純。將頭納獻。引眾來降。張舉見勢敗。亦自縊死。漁陽盡平。劉虞表來奏劉備大功。朝廷赦免鞭督郵之罪。除下密丞。後迁高唐尉。公孫瓚表陳玄德前

功封為別部司馬守平原縣令。玄德在平原頗有錢糧軍馬。重整舊日氣象。劉虞平寇有功。官封太尉。中平六年夏四月。靈帝病篤。召大將軍何進入宮商議後事。弟何苗官帶執金吾。何進起身屠家。因妹入宮為貴人。光和三三年。為上生太子辨。故立為皇后。進為國舅。得權重任。王美人生太子協。何后酖殺王美人。協得董后恩養。太子辨時年九歲。靈帝偏愛太子協。欲立之。十常侍知天子意。黃門蹇

碩乃暗奏曰。若欲立協。必先誅何進。以絕後患。帝從之。宣進託以後事。進到宮門。司馬潘隱與進曰。不可入宮。蹇碩欲謀殺汝。進大驚。急歸私宅。召諸大臣。欲盡誅宦官。坐上一人挺身出曰。宦官之勢起自冲質之時。朝廷滋蔓極廣。安能盡誅。倘機不密。必有絕族之禍。請仔細詳之。進視之。乃典軍校尉曹操。進叱之曰。汝小輩。安知朝廷之大事。正躊躇間。潘隱至。報帝崩於嘉德殿。時年三十四歲。目今

蹇碩與十常侍商議。密不發喪。矯詔宣何進入宮。欲絕後患。冊立太子。協為帝。說未了。使命至。宣進速入。以定後事。操曰。今日之計。先宜大正君位。然後圖賊。進曰。誰敢與吾止君討賊。言未盡。一人挺身便出。曰。願借精兵五千。斬關入內。冊立新君。盡誅閹豎。掃清朝廷。以安天下。吾之愿也。視之。此人身長貌偉。行步有威。英雄蓋世。武勇超羣。能折節下士。士多歸之。四世居三公位。門多故吏。汝南汝陽。

人也。司徒袁安之孫。袁逢之子。名紹。字本初。見為司隸校尉。何進大喜。遂點御林軍五千。紹披掛領入內。何進引何顥荀攸鄭泰等大臣三十餘人相繼而入。就靈帝柩前扶立太子辨。即皇帝位。百官呼噪已畢。袁紹入宮收蹇碩。碩親領兵從宮出來禦紹。紹提劍直砍蹇碩。碩慌走。紹趕入御園。花陰下轉過中常侍郭勝。一刀把蹇碩砍翻。割頭而去。碩所領禁軍盡皆降順。紹與何進曰。中官結黨可盡。

誅之。張讓等知事急。慌入告何后曰。始初設謀陷害大將軍者。皆是蹇碩一人。並不干臣等事。今大將軍信袁紹之言。盡欲誅臣等。乞娘娘憐憫。言罷痛哭。何太后曰。卿等勿憂。我當保之。傳旨宣何進入。太后密謂曰。我與汝出身寒微。非張讓等。焉能享此富貴。今蹇碩不仁。既以伏誅。汝何聽他人之言。欲盡誅宦官。枉惹萬代之笑。此事切不可行。何進聽太后之言。而出與衆官曰。蹇碩設謀害吾。可族

滅其家。其餘者。勿得妄加殘害。袁紹曰。今日若不斬草除根。終久必為喪身之本。進叱之曰。吾意已決。汝等多言者。斬。衆官皆退。次日太后命何進。參錄尚書事。其餘皆封官職。董太后宣張讓等。入宮商議。后曰。何進之妹。始初我擡舉他來。今日他孩兒。即了帝位。內外臣僚。皆是他心腹人。威權太重。我將如何。讓奏曰。娘娘可臨朝。垂簾聽政。封太子協為王。加國舅董重大官。掌握軍權。重用臣等。各預

軍國大事。漸可圖何進矣。董太后大喜。次日設朝。董太后垂簾聽政。封太子協為陳留王。董重驃驍將軍。張讓等共預朝政。將及月餘。董太后奪權柄。朝廷事並聽區處。何太后見董太后專政。於宮中設一宴。請董太后赴席。酒至半酣。何太后起身。捧盃再拜。而勸董太后曰。我等皆婦人也。參預朝政。非其所宜。昔呂后因握重權。宗族三千餘口。皆被誅戮。今後我等宜淶居九重。朝廷大事。任大老元臣。

自行商議。此國家之幸也。愿垂聽焉。董后大怒曰。汝耽死王美人。荒淫妬色。今汝子為君。倚兄何進之勢。輒敢亂言。吾勅驃騎斷汝兄首。如反掌耳。何后亦怒曰。吾以好言勸汝。何出言不遜耶。董后曰。汝家屠沽小輩。有何見識。兩宮互相罵詈。張讓等各勸歸宮。何后連夜召進入宮。盡告其事。進出。呂三公共議。來早設朝廷。臣奏孝仁董太后。交通州郡。辜較財利。不宜臨朝聽政。合遷於河間安置。限日

下出國門。一面驅人起發董后。一面點三千禁軍。圍繞驃騎將軍董重府宅。追索印綬。董重知事已危急。自刎于後堂。家人舉哀。軍士方散。張讓。段珪。見董后一枝已廢。遂皆以金珠玩好。結搆何進弟何苗。并其母舞陽君。令早晚入何太后處。善言遮蔽。因此十常侍又得近幸。六月。何進暗使人酖殺董后。於河間驛庭。舉柩回京。葬于文陵。進托病不出。司隸校尉袁紹。入見進曰。張讓。段珪等。流言於外。

言主公鵬殺董后。欲謀大事。乘此時不誅閹
豎。後必為大禍。昔日竇武欲誅內寵。機謀不
密。反受其殃。今主公兄弟部曲將吏。皆英俊
名士。若盡力命。事在掌握。此天贊之時。不可
失也。進曰。且容商議。左右密報張讓。讓等去
告報何苗。又送賄賂太多。苗入內。來奏何后
云。大將軍輔佐新君。不行仁慈。以安天下。專
務殺伐。以危社稷。今國無事。又欲害十常侍。
此取亂之道也。后納其言。少頃。何進入白后。

欲誅中涓。何后曰。中官統領禁省。漢家故事也。先帝新棄天下。爾欲誅殺舊臣。非重宗廟也。進雖外慕大名。內無決斷。不言而出。袁紹迎進而問曰。大事若何。進曰。太后不允。如之奈何。紹曰。可召四方英雄之士。勒兵來京。盡誅閹豎。此時事急。不容太后不從。進曰。此計大妙。免得我違太后之意。差人便召赴京師。主簿陳琳趨步上階連叫。不可。不可。進曰。有何不可。琳曰。俗說自掩其目。去捕燕雀。是自

欺也。微物尚不可欺。以得志。况國家大事。其可詐立乎。今將軍總皇威。掌兵要。龍驤虎步。高下在心。若欲誅宦官。如鼓洪爐。燎毛髮耳。但當速發雷霆。行權立斷。則天人順之。却反外檄大臣。臨犯京闕。英雄聚會。各懷一心。所謂倒持干戈。授人以柄。功必不成。生大亂矣。何進笑曰。此懦夫之見也。傍邊一人鼓掌大笑曰。此事易如反掌。何必多議論也。視之。乃曹操也。進曰。有何高見。曹操道出甚話來。

董卓議立陳留王

操曰。宦者之禍。古今宜有。但世主不當假之權寵。近侍浸潤成疾。使至於此。若欲治罪者。當除元惡。但付一獄吏足矣。何必紛紛召外兵乎。欲盡誅之事。必宣露。吾料其必敗也。何進怒曰。孟德亦懷私意耶。操退而言曰。亂天下者。必進也。乃降詔。暗差使命。星夜前去。詔曰。朕聞。敗紀亂常。不曰無誅。害國傷時。豈能彌久。切惟常侍張讓。段珪等。濫叨寵。

榮恣生狂逆。不思報本之恩。復造滔天之禍。意喜者一門榮貴。心怒者九族誅夷。令諸侯於畿甸之方。挾天子於宮闈之內。上下切齒。咸思殄滅。朕素知卿等心懷忠義。討戮奸邪。速提雄虎之師。剋定蕭牆之禍。詔書到日。火速奉行。宜體朕懷。遐迩知悉。欽哉。

先發四道詔書。急詔四路軍馬。第一路東郡太守橋瑁。第二路河內太守王匡。第三路武

猛都尉并州刺史丁原。第四路身長八尺腰
大十圍。肌肥肉重。面濶口方。手掉飛燕。走及
奔馬。見任前將軍。鰲鄉侯。領西涼刺史。隴西
臨洮人也。姓董。名卓。字仲穎。先為破黃巾無
功。欲議治罪。卓賄賂十常侍。因此幸免。後以
金珠結托朝貴。遂任顯官。時手下統西州大
軍二十萬。常有不仁之心。是時得詔大喜。點
起軍馬。陸續便行。卓女壻中郎將牛輔守住
陝西。卓帶李傕。音角郭汜。音似張濟。樊稠。前後調

練提兵望洛陽來。卓女壻中郎。謀士李儒。上言曰。今雖奉詔。中間多有暗昧。何不差人上通表章。名正言順。大事可圖矣。董卓大喜。令儒作表曰。

臣伏惟天下所以有逆不止者。皆由黃門常侍張讓等。侮慢天常。操擅王命。父子兄弟。并據州郡。一書出門。便獲千金。京畿諸郡。數百萬膏腴美田。皆屬讓等。至使怨氣上蒸。妖賊蜂起。臣前奉詔討於扶羅。將士

飢乏不肯渡河。皆言欲詣京師。先誅閹豎。以除民害。從臺閣求乞資直。臣隨慰撫。以至新安。臣聞揚湯止沸。不如滅火。去薪潰癰。雖痛勝於肉食。及溺呼船。悔之無及。昔趙鞅興晉陽之兵。以逐君側之惡。臣輒鳴鐘鼓。入洛陽。請除讓等。則社稷幸甚。天下幸甚。

何進得表。出示大臣。侍御史鄭泰諫曰。董卓乃豺虎也。若引入京。必食人矣。進曰。汝心多

之人。不足與謀大事。尚書盧植亦諫。植素知
董卓為人。面善心狠。常有不仁之念。一惹入
禁庭。必生禍亂。於國無益。於民有傷。不如早
遣人令回。庶免篡奪之患。進叱之曰。汝等皆
無志之士。枉食君祿。鄭泰。盧植。皆棄官而去。
泰問曰。此去如何。植曰。此公不可輔也。禍在
即目矣。荀攸亦告間居。朝廷大臣。去其大半。
進使人出迎卓於澠音免池。卓按兵不動。張讓
等知詔各路兵到。十常侍商議。讓曰。此乃何

進之謀也。我等若不先下手時。皆滅族矣。張讓等先伏刀斧手五十人。於長樂宮嘉德門內。讓等告何太后曰。今大將軍矯詔諸路軍馬。並至京師。欲滅臣等宗族。望娘娘垂憐。皆叩頭伏地曰。臣等歸田養老。免死萬幸。太后曰。汝等可詣大將軍府下謝罪。讓曰。若到相府。骨肉皆為齏粉矣。望娘娘賜手詔。宣大將軍入宮。解釋其事。如其不從。臣等只就娘娘前死無恨矣。太后乃降手詔。宣進入宮議事。

進得詔便行。主簿陳琳諫曰。太后此詔。必是十常侍之謀。切不可去。去必有禍。進曰。太后召我。有何禍事焉。袁紹曰。交持已成形勢已露。將軍尚欲入宮議論。何不早決。事久必變矣。進曰。已在吾掌握之中。待如何變。曹操曰。先當召十常侍出。然後方可入。進笑曰。此小兒之見。吾掌天下之權。十常侍敢待如何。紹曰。主公堅執要去。我等宜披堅執銳。引甲士以護之。孟德亦當輔佐。以防不測。是日袁紹

曹操各帶寶劍。選精兵五百。喚弟領之。紹之弟。同父異母。名術。字公路。舉孝廉進身。見授折衝校尉。虎賁中郎將。當日袁術全副披掛。引精兵五百。布列青瑣門外。紹與操百餘人。護送何進車。至長樂宮前。黃門傳懿旨云。太后在禁宮深處。要與將軍議論國家大事。持兵護送者。不敢輒入。因此袁紹曹操一行人。都當在禁宮外。何進似傍若無人。昂昂直入。至嘉德殿門。張讓段珪迎出。左右圍住。讓厲

聲責進曰。董后何罪。妄加酖死。國母喪葬。托疾不出。汝本屠沽小輩。我等薦之天子。以致榮貴。不思報效。欲相謀害。言我等甚濁。其清者是誰。進乃默默無言。欲尋出路。官門盡閉。讓呼曰。何不下手。擁出一羣刀斧手。揪出何進。於官門側畔。砍為兩段。後來史官有四句言語。嘆何進曰。

漢室傾危。天數終。無謀何進作三公。幾番不聽忠臣諫。難免官中受劒鋒。

論曰。竇武。何進。藉元舅之資。據輔政之權。內倚太后臨朝之威。外迎羣英乘風之勢。卒而事敗。閹豎身死。功頽為世所悲。豈智不足。而權有餘乎。傳曰。天之廢商久矣。君將興之。斯宋襄公所以敗於泓也。戰子魚諫曰。天之棄商久矣。公將興之。不可。公不從。與楚戰。大敗於泓。楚伐宋。宋公將贊曰。武生蛇祥。進自屠羊。惟女惟弟。來儀紫房。上惛下嬖。人靈動怨。將糾邪慝。以合人願。道之屈矣。代離凶困。

讓等既誅。何進請太尉樊陵入代進職位。袁紹久不見進出。乃於宮門外大叫曰。請將軍上車。中黃門於牆頭上擲出何進頭。宣諭曰。何進謀反。已伏誅矣。其餘協從盡皆赦下。袁紹厲聲大叫。閹官謀殺大臣。豈有此理。有失大義。誅惡黨者。前來助戰。何進部將吳匡於青瑣門外放火。袁術引兵突入宮庭。但看閹官。不論大小。盡皆殺之。袁術曹操斬關入內。樊陵許相出殿大呼。不得無禮。袁紹立斬二

人。餘皆奔走。趙忠。程曠。夏惲。郭勝。四個趕在翠花樓上。放火。都跳下樓。就樓前剝為肉泥。宮中火。燄冲天。張讓。段珪。曹節。侯覽。將太后及太子。并陳留王。劫出。內省官屬。從後道。走北宮。尚書。盧植。棄官未去。見宮中事變。擐甲持戈。立於閣下。窻前遙望。見段珪。擁逼何后過來。植大呼曰。段珪逆賊。尚不知死。敢劫太后耶。段珪回身便走。太后從窻中跳出。植急救之。得免。吳匡殺入內庭。見何苗亦提劍出。

吳匡大呼曰。是車騎何苗。同謀殺兄。愿報讐者向前。數十人大叫曰。愿斬謀兄之賊。苗欲走。四面圍定。砍為粉碎。紹閉上官門。弭令軍士。但見閹官。無問大小。盡皆殺之。宮中殺盡。分捉來殺。十常侍家屬。不分男女。盡皆誅絕。流血滿地。何止二三萬人。多有無鬚者。誤被殺戮。曹操一面差人。救滅宮中之火。張讓段珪擁逼少帝及陳留王。冒烟突火。殺出後宰門。離城望北邙山逃難。袁紹請何太后。權攝

大事。四下分兵追襲。尋覓少帝。張讓段珪從者二十餘人。連夜奔走北邙山。天色昏黑。各不相見。隨從之人。各自逃回。約二更時分。後面喊聲大舉。人馬趕至。當先河南中部掾史閔貢。大叫張讓休走。段珪等乘馬落荒而逃。張讓見事急。叩頭辭帝曰。臣無路矣。陛下自願遂投河而死。帝與陳留王亦未知虛實。不敢高聲。二王伏於河邊亂草之內。此是中平六年八月二十四日。城中誅殺宦官。二帝夜

卧荒草。軍馬四散去。趕不知帝之所在。二帝
伏至四更。露水又下。腹中飢餒。相抱而哭。又
怕人知。吞聲草莽之中。淚如雨墜。陳留王曰。
在此不宜久戀。去尋活路。帝曰。路暗難行。如
之奈何。陳留王與帝以衣相結。爬上岸邊。滿
地荊棘。不見行路。仰天嘆曰。劉辨休矣。但有
流螢千百成羣。光芒照耀。只在帝前。陳留王
曰。此天助吾兄弟也。隨螢火而行。漸漸見路。
二帝相扶。一步一跌。奔出山路而走。後史官

有詩曰

亂兵如蟻走王師。社稷傾危孰為持。夜逐
火螢尋道路。漢家天子步歸時。

曹仙姑又詩曰

腐草為螢上岸時。也曾照夜向書幃。莫言
微物相輕賤。曾與君王引路迷。

二帝行至五更。足痛不能行。山岡邊見一草
堆。二帝卧於草畔。草堆前面。是一所庄院。庄
主是夜夢兩紅日墜於庄後。庄主驚覺。披衣

出戶。四下觀望。見庄後草堆上。火起冲天。庄主慌忙往觀。見二帝卧於草畔。庄主問曰。二少年。誰家之子。帝不敢應。陳留王曰。吾兄。乃是大漢皇帝。遭十常侍之亂。夜來逃難。得螢火引路。故到此。庄主大驚。再拜於地。曰。臣先朝歷仕宦。司徒崔烈之弟。崔毅也。因見十常侍賣官嫉賢。臣於此躬耕壅畝。遂扶帝入庄。跪進飲食。帝與陳留王。隱於崔毅庄中。却說閔貢。赶上段珪。拏住。問天子何在。珪言已。

在半路棄之。不知何處。貢遂殺段珪。懸頭於馬項下。來尋天子。到崔毅庄覓飯。毅見首級。問之。貢說詳細。崔毅引貢見帝。君王痛哭。貢曰。國不可一日無君。請陛下還都。崔毅庄上有匹瘦馬。備與帝乘。貢與陳留王共乘一馬。離庄院行不到三里。司徒王允。太尉楊彪。左軍校尉淳于瓊。右軍校尉趙萌。後軍校尉鮑信。中軍校尉袁紹。一行人衆數百人馬。接着車駕。君臣皆哭。先使人將段珪頭。往京師踴。

令着另換好馬。與帝及陳留王騎簇帝還京。先是洛陽小兒謠曰。侯非侯。王非王。千乘萬騎走北邙。車駕行不到數里。忽見旌旗蔽日。塵土遮天。一枝人馬到來。百官失色。帝大驚。素紹驟馬出問。何人敢攔聖駕。繡旗影裏。董卓出馬。厲聲便問。天子何在。帝戰慄不能言。羣臣罔知所措。陳留王勒馬向前叱之曰。來者何人。卓曰。西涼州刺史董卓是也。陳留王曰。汝來劫駕耶。保駕耶。卓應曰。特來保駕。陳

留王曰。既來保駕。天子在此。何不下馬。卓大驚。慌忙下馬。拜於道左。陳留王以言撫慰。董卓自初至終。並無遺失。卓暗奇之。是日護送還宮。見何太后。俱各下淚痛哭。失傳國璽。董卓屯兵城外。每日帶鐵甲馬軍數千入城橫行街市。百姓惶惶不安。兩路軍知何進已死。各引軍兵回本處去訖。董卓得志。出入宮庭。畧無忌憚。後軍校尉鮑信來見袁紹。言董卓縱橫朝廷。必有異心。紹曰。朝廷新定。未可輕

動刀兵。鮑信見王允。亦言其事。允不從。信引本部軍兵。自投泰山去了。董卓招誘何苗部下之軍。盡歸掌握。卓召李儒曰。吾欲廢帝。立陳留王。如何。李儒曰。今朝廷無主。不就此時行事。遲則有變矣。來日於溫明園中聚會百官。若有不從者。立斬之。則指鹿之謀。宜在今日。卓喜。便教大排筵會於溫明園中。來日請百官飲酒。次日飛騎往來於城中。遍請公卿。皆懼董卓。誰敢不到。卓探知百官到了。徐徐

策馬到園門下馬。帶劔入席。百官見了。先令
從人執盞。酒行數巡。卓自舉盃。勸諸大臣飲
酒畢。卓教停酒止樂。卓曰。今有大事。衆官聽
察。衆皆側耳。卓曰。天子為萬民之主。以治天
下。無威儀。不可以奉宗廟社稷。况先君有密
詔。言劉辨輕浮無智。不可為君。次子劉協。聰
明好學。可承大漢宗廟。吾欲廢帝。仍舊為弘
農王。冊立陳留王為天子。以正漢室。尔諸大
臣以為何如。諸臣聽罷。默默無言。各各低頭。

觀地。座上一人。推卓几直出。立於筵上。大叫。不可。不可。汝乃何等之人。敢發此語。欺俺漢朝。無人物耶。天子乃漢靈帝嫡子。又無過惡。安可廢耶。吾知汝懷篡逆之心久矣。吾豈能容耶。衆人大驚。畢竟是誰。

呂布刺殺丁建陽

董卓視之。此人官拜荊州刺史。姓丁。名原。字建陽。因何進降詔。遂引軍至洛陽。當日倚恃兵權。敢出抗拒。董卓大怒。叱之曰。朝廷大臣。

尚不敢言。汝何等之人。輒敢多言耶。遂掣佩
劍在手。欲斬之。時李儒見丁原背後一人。身
長一丈。腰大十圍。弓馬熟閑。眉目清秀。五原
郡九原人也。姓呂。名布。字奉先。官拜執金吾。
自幼隨從丁原。拜為義父。當日布執方天畫
戟。立於丁原之後。李儒會意。急向前曰。今日
飲宴之處。不可以談國政。來日向都堂公論。
未遲。衆人皆勸丁原上馬。呂布手執畫戟。目
視董卓而出。衆皆奉送丁原上馬而去。董卓

與百官曰。吾所見者。合公道否。盧植立於筵上曰。明公所見差矣。昔商之太甲不明。伊尹放之於桐岡宮。昌邑王登位。方立二十七日。造罪三千餘條。霍光告太廟而廢之。今上皇帝年紀雖幼。聰明仁智。並無分毫過失。汝乃外郡刺史。素不曾參預國政。又無伊尹霍光之大才。何敢強主廢立之事。聖人有云。有伊尹之志則可。無伊尹之志則篡也。汝莫不待篡漢天下耶。董卓大怒。拔劍向前。欲殺植。侍

中蔡邕議郎彭伯諫曰。盧尚書海內大儒。人之望也。今先害之。天下震怖。卓乃止。但免植官。遂逃難而隱於上谷。司徒王允出曰。廢立之事。不可酒後商議。別日再聽約束。於是百官皆散。董卓按劍立於園門。意欲傷害百官。忽一人躍馬持戟於園門外往來。卓問李儒。此何人也。儒曰。此丁原義兒呂布。勇極不可當也。卓乃潛入園迴避。百官因此得脫回家。次日人報董卓。丁原引軍城外搦戰。卓怒引

軍馬出。兩陣對圓。卓見對陣。呂布出馬。頂束髮金冠。披百花戰袍。搥唐猊凱甲。繫獅蠻寶帶。騎一匹衝陣劣馬。持方天畫戟。往來馳驟。貌若天神。卓心中驚駭。丁建陽於陣中縱馬直出。亦拍卓而罵曰。漢天下不幸。閹官弄權。以致萬民受於塗炭。尔乃涼州刺史。於國無寸箭之功。焉敢乱言廢立。侮慢朝廷。實欲反耶。董卓無言可答。呂布飛馬挺戟殺過來。董卓先走了。建陽率軍馬一掩。卓軍大敗。走三

十餘里。卓收軍下寨。聚衆商議。卓曰。吾觀呂布。非常人也。吾若得此人。何慮天下哉。帳前一人出曰。主公勿憂。某與呂布同鄉。足知其人。勇而無謀。見利忘義。憑三寸不爛之舌。說呂布拱手來降主公。可乎。卓大喜。觀其人。乃虎賁中郎將李肅。卓曰。汝去說呂布。以何而進。肅曰。某聞主公有名馬一匹。號曰赤兔。日行千里。須得此馬。更用金珠。以利結其心。呂布必反丁原。來投主公也。卓問李儒曰。此言

可乎。儒曰。主公欲取天下。何惜一馬。卓欣然
與之。更與金一千兩。明珠數顆。玉帶一條。李
肅騎了赤兔馬。帶二匹從馬。三個人投呂布
寨來。伏路軍人圍住。肅曰。可報與呂將軍知
道。故人来見。軍士報入帳中來。肅與布曰。賢
弟別來無恙。布半晌思想不起。問曰。是下果
何人耶。李肅曰。鄉中故人。何故失忘。某乃李
肅是也。布下拜曰。鄉兄。久不相見。見居何處。
肅曰。仕於漢朝。見任虎賁中郎將之職。聞賢

弟匡扶社稷。不勝之喜。有良馬一匹。日行千里。渡水登山。若履平地。名曰赤兔。李肅不敢乘坐。特來獻與賢弟。以助虎威。布聽罷。便牽過來。果然那馬。渾身上下。火炭般赤。無半根雜毛。從頭至尾。長一丈。從蹄至項。鬃高八尺。嘶喊咆哮。有騰空入海之壯。呂布見了大喜。史官有四句詩。單道赤兔馬。詩曰
奔騰千里蕩塵埃。渡水爬山紫霧開。掣斷絲韁搖玉轡。火龍飛下九天來。

布謝肅曰。兄與此龍駒。布將何報之。肅曰。某
為義氣而來。豈望報乎。布置酒相待。酒酣。肅
曰。肅與賢弟少得相見。令尊多曾會來。此馬
亦不可說。布曰。兄醉矣。肅曰。何以知之。布曰。
先父棄世多年。安得與兄多會。肅大笑曰。非
也。某說今日丁刺史。布惶恐而言曰。在丁建
陽處。亦出於無奈。肅曰。賢弟有擎天架海之
才。而四海孰不懼怕。功名富貴。如探囊取物。
何言無奈。而在人之下乎。布曰。布欲大展其

能恨不逢主。肅笑曰。良禽相木而棲。賢臣擇主而佐。青春不再。悔之晚矣。布曰。兄在朝廷。觀何人爲世英雄。肅曰。某遍觀大臣。皆不如董卓。董卓爲人。禮賢敬士。寬仁厚德。賞罰分明。終成大事。布曰。某欲從之。恨無門路。肅取金珠玉帶。列於布前。布驚曰。何爲有此。肅令叱退左右。告布曰。此是董刺史久慕賢弟之德。特令某送禮物以獻。亦兎馬。亦董公所賜也。布曰。董刺史如此見愛。某將何禮報之。肅

曰。如某之不才。尚加為虎賁中郎將。公若到彼。貴不可言。布曰。恨無功可往報之。肅曰。功在反手之間。弟不肯為耳。布沉吟久。曰。兄長少待。容吾到軍中殺了丁原。引軍歸董刺史。若何。肅曰。但恐賢弟不能為耳。布提刀便起。迺到軍中。丁原秉燭觀書。當見提刀而至。丁原曰。吾兒來有何事故。布曰。吾乃當世之大丈夫也。安肯為汝子乎。丁原曰。奉先何故心變。布向前。一刀砍下丁原首級。大呼左右。丁

原不仁。吾已殺之。肯從吾者在此。不從者自去。軍士散其大半。布提首級見肅。肅又曰。某當先去報主公。來接將軍。布一面收軍。肅報董卓。卓置酒去迎呂布。布獻了丁原首級。卓下馬。攜手入帳中。卓先下拜。曰。卓今得將軍。早苗而得甘雨也。布納卓坐。而拜之。曰。布今棄暗投明。願以父事之。卓大喜。重賞李肅。是日以金甲錦袍賜布。暢飲而散。董卓又得呂布。併帶來軍馬。其勢越大。乃自領前將軍事。

封弟董旻為左將軍。鄠音侯封呂布為騎都

尉中郎將。都亭侯。初李儒薦蔡邕曰。伯喈非

常人也。若主公用之。大事可就。卓使人徵之。

邕托疾不起。卓怒曰。我能滅人九族。犯者無

素休。人報邕。邕急往。卓拜邕為祭酒。甚相敬

重。恩賜不少。三日之間。周歷三臺。先補侍御

書御史遷為侍中李儒勸卓早定廢立之計。

卓次日於省中設宴。會集公卿。令呂布將甲

士千餘侍衛左右。是日太傅袁隗與百官皆

到。酒行數巡。卓按劍曰。大者天地。次者君臣。所以為治。今上皇帝。闇弱。不可以奉宗廟。為天子。吾依伊尹霍光故事。廢帝為弘農王。立陳留王為君。汝大臣意下如何。羣臣惶怖。莫敢對。坐上一人。應聲而出。曰。太甲不明。伊尹放之。昌邑有罪。霍光廢之。今上富於春秋。有何不善。汝欲廢嫡立庶。欲為反耶。衆視之。乃中軍校尉。袁紹也。卓大怒。叱之曰。豎子。天下事在我。我今為之。誰敢不從。汝視我之劍不。

利也。袁紹亦拔劍出曰。汝劍雖利。吾劍豈不利也。兩個在筵上敵對。性命如何。且聽下回分解。

廢漢君董卓弄權

卓欲殺紹。蔡邕止之曰。事未有定體。不可妄殺。袁紹手提寶劍。長揖百官而出。懸節東門。上馬奔冀州而去。卓與太傅袁隗曰。汝姪無禮太甚。吾看汝面。不殺之。廢立之事。其意若何。隗曰。太尉見者是。卓曰。敢有阻大議者。以

軍法從事。大臣震動。皆云。一聽尊命。宴罷。卓

召侍中周愬。

音底

校尉伍瓊議郎何顥。問曰。袁

紹此去。若何。周愬曰。廢立大事。非人所及。袁紹不達大體。恐愬故出奔。非有他志也。今購之急。勢必為變。袁氏樹恩四世。門生故吏。徧於天下。若收豪傑以聚徒衆。英雄因之而起。山東非公之有也。不如赦之。拜為一郡守。則紹喜於免罪。必無患矣。蔡邕曰。某不使主公殺紹者。正為此也。紹好謀無斷。不足為慮耳。

加之一郡守。以收民心。卓大喜。即日差人拜
紹為渤海太守。

史官論曰。袁紹志大智小。好謀無決。色厲
膽薄。不能就朝堂誅卓。反長揖而去。得一
郡守而喜。謬之甚也。

董卓權重。羣臣見者皆慄然。九月朔。請帝陞
嘉德殿。大會文武。不到者斬。是日羣臣皆列
於班次。卓掣劍在手曰。少帝闇弱。全無威儀。
不可以掌天下。今有郊天冊文。可宜宣讀。李

儒讀冊曰

孝靈皇帝。不究高宗眉壽之祚。早棄臣子。
皇帝承紹。海內側望。而帝天資輕佻。威儀
不恪。在喪慢惰。哀如故焉。凶德既彰。淫穢
發聞。損辱神器。忝汙宗廟。皇太后教無母
儀。統政荒亂。永樂太后暴崩。衆論惑焉。三
綱之道。天地之紀。而乃有闕。罪之大者。陳
留王協。聖德偉茂。規矩邈然。豐下允上。有
堯圖之表。居喪哀戚。言不以邪。爰疑之性。

成周之懿。休聲美譽。天下所聞。宜承洪業。
為萬世統。可承宗廟。廢皇帝為弘農王。皇
太后還政。應天順人。以慰生靈之望。

李儒讀冊已罷。卓叱左右扶少帝下殿。解其
璽綬。面北長跪。稱臣聽命。少帝號哭。百官慘
慘然。卓呼太后去服。候勅。太后哽咽。羣臣含
悲。階下一大臣憤然高叫曰。賊臣董卓敢為
欺天之謀。而廢賢明之主。不若與之同死。揮
手中象簡直擊。董卓大怒。喝武士簇下。乃是

尚書丁管。丁管罵不絕口。卓命牽出斬之。至死。神色不變。卓請陳留王登殿。羣臣皆呼萬歲。禮畢。卓令扶何太后并弘農王於永安宮。隨侍又有唐妃及宮女二人。月給食糧。諸臣下母得輒入。違者滅三族。可憐少帝。四月登基。至於九月。被董卓廢之。卓所立陳留王協。表字伯和。靈帝中子。即獻帝也。九歲即位。董卓為相國。贊拜不名。入朝不趨。劔履上殿。封黃琬為太尉。楊彪為司徒。荀爽為司空。韓馥

為冀州牧。張邈為陳留太守。張資為南陽太守。時年庚午歲。改為初平元年。何太后與少帝。唐妃。困於永安宮中。日夜憂歎。衣服飲食。盡皆缺少。帝淚下。不曾乾。偶見雙燕飛入連中。帝遂吟詩一首。詩曰。

嫩草綠凝煙。裊裊雙飛燕。洛水一條青。陌上人呼羨。遠望碧雲深。是吾舊宮殿。何人仗忠義。寫我心中怨。

卓時常使宮女探聽動靜。是日獲得此詩。來

呈於卓。卓曰。劉辨休矣。怨望。故作此詩。殺之。
有名矣。喚李儒帶武士十人來殺少帝。帝與
母何后正在樓上嗟嘆。宮女報李儒至。帝大
駭。儒執酖酒與帝曰。春日融和。董太師持上
壽酒。少帝泣曰。何相逼如是也。儒曰。壽酒無
疑。太后曰。既云壽酒。汝當先飲。儒怒曰。汝母
子持不飲耶。呼左右持短刀白練於前。曰。壽
酒不飲。可領此二般。唐妃跪告儒曰。妾身代
帝飲酒。愿相公可憐母子性命。儒叱曰。量汝

何等可代王死。儒舉孟與何太后。你可先飲。
后。趙胸大罵。何進無禮之賊。搆引董卓入京。
致有今日之禍。儒催逼帝。帝曰。容某與母作
別。大慟而作歌曰。

天道易兮。我何安。棄萬乘兮。退守藩。為臣
逼兮。命不久。勢將去兮。空渡潛。音山

唐妃抱帝。亦作歌曰。

皇天將崩兮。后土頽。身為帝姬兮。命不隨。
生死異路兮。從此畢。奈何音窮。速兮。心

中悲

歌罷。相抱而哭。李儒喝曰。太尉立等回報。汝等俄延。望誰救耶。何太后大罵。國賊董卓。逼我子母。皇天豈祐汝耶。手指李儒。汝等助紂作業之徒。必當族滅。李儒大怒。雙手掙住太后。直攔下樓。少帝揪住李儒衣服。唐妃向前攪做一團。儒喚武士絞死唐妃。以酖酒灌殺少帝。史官有詩曰。

太后飛身墜玉樓。唐妃素練繫咽喉。君王

服毒皆身喪。漢室江山自此休。

儒還報卓。卓命拖出城外埋之。自此每夜入宮。姦淫宮女。夜宿龍床。禁庭公主。盡皆淫之。常引一軍出城外。前行到陽城。時當二月。村民社賽。男女皆集。引軍圍住。盡皆殺之。掠其婦女財物。收萬千餘件。都裝在車上。懸頭千餘顆於車下。連軫還都。先報董太尉殺賊大勝而回。各城門外焚燒其頭。以婦女財物。盡散與宿帳軍士。越騎校尉伍孚。字德瑜。見卓

殘暴太甚。羣臣戰慄。莫敢言者。惟有伍孚於
朝服下披小凱。藏短刀。候董卓入朝。孚迎到
閣下。掣出短刀。直刺卓。卓氣力大。兩手驅住。
呂布便入。揪倒伍孚。卓問曰。誰教汝反。孚瞪
目大叫。汝非吾君。吾非汝臣。何反之有。汝亂
國篡位。罪惡盈天。今是吾死之日。故來誅奸
賊也。恨不車裂汝於市朝。以謝天下。董卓大
怒。命呂布將出剖劓之。罵不絕口。後史官有

詩曰

漢末忠臣說伍孚。冲天豪氣。世間無。朝堂
殺賊名。猶在。萬古堪稱大丈夫。

董卓自此出入。常帶披甲武士。前後圍繞。袁
紹在渤海。知卓弄權。乃差人齎密書。來見王
允。書曰。

卓賊欺天廢主。人不忍言。入亂禁宮。神亦
不祐。公反恣其跋扈。如不聽聞。豈為報國
效職之臣哉。紹今集兵練馬。欲圖掃清帝
室。未敢輕舉。公想食祿於漢朝。當乘間圖

之。如有驅使。即當奉命。書不盡言。請宜照察。密之。

王允得書。尋思無計。一日。於侍班閣子內。見漢朝舊臣俱集。王允請曰。今日老夫賤降。晚間少閑。欲屈衆大臣就舍下少酌。幸勿見阻。衆官皆曰。必來添壽。當晚就後堂設宴。燈燭熒煌。公卿皆至。允視之。皆漢朝舊臣。心中暗喜。酒至半酣。王允舉盞掩面大哭。衆官曰。司徒貴降。不可發悲。允曰。老夫非賤降之日。要

與衆官聚會。恐賊生疑。故推賤降。吾哭者。哭漢天下也。董賊勢若泰山。吾等朝夕難保。想漢高皇提三尺劍。斬白蛇。起義兵。子孫相承。四百餘年。誰想喪於董卓之手。吾等捨死。無益於國。衆公卿盡皆掩面而哭。坐上一人。撫掌大笑曰。滿朝大臣。夜哭到明。明哭到夜。焉能哭死董卓耶。允視之。乃是驍騎校尉曹操也。允大怒。責之曰。汝祖宗食祿漢朝。四百餘年。不思報本。反欲縱賊耶。汝去告變。吾等死

亦漢家鬼也。操曰。非笑別事。笑衆大臣無一計殺董卓耶。某雖不才。畧施小計。可斷董卓頭。懸於都門外。以謝天下。王允聽罷。乃避席而問曰。孟德有何高見。匡扶漢室。試看曹操道出甚話來。

曹孟德謀殺董卓

曹操曰。近日操進身以事董卓者。實有意以圖之。今卓甚愛有事必共議之。聞司徒有七寶刀一口。愿借與操。入相府可刺殺之。萬死

無恨。王允曰。孟德果有是心。漢天下幸甚。操遂言誓於允前。取七寶刀與操。其刀長尺餘。七寶嵌飾。極其鋒利。操帶之。良久。皆散。操平明。逕入相府。問丞相出來否。人指云。出在書院中坐久。操逕入。見卓坐於床上。側首布侍立。卓問曰。孟德來何晚。操曰。馬羸行遲。卓曰。吾有西涼州進到良馬。吾兒呂布可親去選一騎。賜與孟德。布趨步出。操思曰。董卓合死。意欲拔刀。懼卓有力。不敢下手。卓胖大。不耐。

久坐。遂倒身而卧。轉身背却。操又思曰。此賊當休。急掣寶刀在手。卓仰面看衣鏡中。見操挾刀靶。急迴身。問曰。孟德何為。呂布已牽馬在閣外。操刀已出鞘。就倒轉刀靶。跪下曰。操有寶刀一口。獻上恩相。卓接視之。果寶刀也。逋與呂布收了。操解鞘與之。卓引操看馬。操遂拜謝曰。愿試一騎。卓就教與鞍轡。操牽馬出相府。加鞭望東門而去。布對卓曰。恰纔曹操有刺父之狀。及被喝破。故推獻刀。卓曰。吾

亦甚疑。兩個正未決。忽李儒至。卓以其事告之。儒曰。操無老小。必有下處。差人急喚。如操無疑而便來。則是獻刀。如遲疑推托而不來。此必行刺。便可擒而問之。卓然其說。差獄卒四五人。往喚多時。回覆云。操不曾到下處。乘着黃馬。飛出東門。門吏問之。操云。丞相差他有緊急公事。縱馬而出。李儒曰。操賊心虛。逃竄而去。卓大怒曰。我如此重用。反欲害吾。令遍行文書。描其模樣。畫影圖形。星夜捉拿。此

賊拿住者。千金賞。封萬戶侯。儒曰。必有同設
謀者。拿住曹操。可知矣。文書曉夜行。曹操日
行夜住。奔譙郡來。路經中牟縣過。把關者見
之。曰。朝廷捕獲曹操。此必是也。當住。問曰。汝
何姓。那裏來。操曰。我覆姓皇甫。從泗州來。把
關者曰。朝廷捕獲曹操。你的服色模樣正對。
拖見縣令。操賴道。我是客人。縣令曰。我在洛
陽求官。認得曹操。捉來便知。奪了馬。擁至庭
下。縣令喝曰。我認得你。如何隱諱。且把來監

下來。日起解。萬戶侯我做。千金賞分與衆人。把關人賞了。皆散。至晚。縣令引親隨人。取出曹操於後院問之。我聞丞相待你甚厚。何故自取其禍。操曰。燕雀安知鴻鵠之志哉。汝既拿住。便當解去請賞。何必多問。縣令曰。汝休小覷我。我亦有冲天之志。奈何未遇其主耳。操曰。吾乃相國曹參之後。祖宗四百年食漢祿矣。不思報本。與禽獸何異。吾屈身而事董卓者。實欲與國家除害耳。今事不成。此乃天

意也。縣令曰：孟德此行，將欲何往？操曰：吾歸鄉中，發矯詔於四海，使天下諸侯共興兵誅董卓。吾之愿也。奈何？天不從之。縣令聞之，乃親釋其縛，扶之上座，酌酒再拜曰：公乃天下忠義之士也。吾棄官而從之。操問姓名，縣令曰：某姓陳，名宮，字公臺，老母妻子皆在東郡。宮愿從公，更衣易馬，共謀大事。是夜收拾盤費，陳宮與曹操各背劍乘馬，投故鄉來。三日至成皋。天色向晚，操以鞭指林深處，而言曰：

此間有一人。姓呂。名伯奢。是吾父親拜義弟
兄。就往問家中信息。覓一宿。若何。官曰。最好。
二人到庄門下馬。入見伯奢。下拜。奢曰。我聞
朝廷遍行文書。捉你太緊。你父避陳留去了。
賢姪如何到此。操告以前事。今番不是陳縣
令。已粉骨碎身矣。伯奢拜陳宮。曰。小姪若非
使君。曹氏滅門矣。言罷。與操曰。賢姪相陪使
君。寬懷安坐。老夫家無好酒。容往西村沽一
樽。以待使君。言訖。上驢去了。操坐久。聞庄後

磨刀之聲。操與宮曰。呂伯奢非吾至親。此去可疑。當竊聽之。二人潛步入草堂後。但聞人語曰。縛而殺之。操曰。不先下手。吾死矣。與宮拔劍直入。不問男女。皆殺之。殺死八口。搜至厨下。見縛一猪欲殺。陳宮曰。孟德心多。誤殺好人。操曰。可急上馬。二人行不到二里。見呂伯奢。驢鞍前轡懸酒二瓶。手抱果木而來。伯奢叫曰。賢姪。何故便去。操曰。被獲之人。不敢久住。伯奢曰。吾已分付宰一猪相款。使君何

憎一宿。操不顧策馬便行。又不到數步。操拔劍復回。叫伯奢曰。此來者何人。伯奢回頭看時。操將呂伯奢砍於驢下。官曰。恰纔誤耳。今何故也。操曰。伯奢到家。見殺死親子。安肯罷休。吾等必遭禍矣。官曰。非也。知而故殺。大不義也。操曰。寧使我負天下人。休教天下人負我。陳官默然。後晉桓溫說兩句言語教萬代人罵道是雖不流芳百世亦可以遺臭。曹操說出這兩句言語。教萬代人罵。當夜陳官行數里。月明中。敲開店門覓宿。先

喂了馬匹。操先睡。陳宮尋思。我將謂曹操是好人。棄官跟將他來。原是狼心狗行之徒。今日留之。必為後患。拔劍來殺曹操。未知性命如何。

曹操起兵伐董卓

陳宮臨欲下手。思曰。我為國家。跟他到此。殺之不義。不若棄之。官插劍入鞘。上馬。未及天明。自投東郡去了。操覺來。不見陳宮。尋思。此人見我說了這兩句。疑我不仁。棄之而去。吾

當急往。不可久留。操連夜到陳留。尋見父親。說上項事。欲散家資。招募義兵。父言資少。恐不成事。此間有衛弘。舉孝廉。踈財仗義。其家巨富。若得相助。事可圖矣。操置酒張筵。拜請衛弘到家。告曰。今漢室無主。董卓專權。篡國害民。天下切齒。操欲立扶社稷。恨力不足耳。公乃忠義丈夫。故哀告耳。弘曰。吾有是心久矣。恨無效力之人。既孟德有大志。愿將家資相助。操大喜。先發矯詔。馳報各道。然後招集。

義兵。豎起招兵白旗一面。上書忠義二字。是日清早。應募之士。如雨駢集。有一人從衆中出曰。某與明公愿為吏。討董卓。操問之。其人乃陽平衛國人也。姓樂名進。字文謙。身材短小。膽量過人。操留為帳前吏。是日兄弟二人各引壯士三千餘人。來投曹操。一人覆姓夏侯。名惇。字元讓。沛國譙人也。乃夏侯嬰之後。自小習鎗棒。年十四。從師學鎗法。有人辱罵其法。惇提刀殺之。逃命於外方。聞知曹操起

兵與同族弟夏侯淵來協助。淵字妙才。此二人皆操之弟兄。操之父曹嵩原是夏侯氏之子。過房與曹家。因此是親。不數日。曹操兄弟曹仁并曹洪引千餘兵來助曹操。曹仁字子孝。曹洪字子廉。此二人弓馬熟閑。武藝精通。曹操大喜。於村中調練人馬。一人持鎗而來。於曹操面前大呼曰。顏從將軍以誅國賊。操問之。其人姓李。名典。字曼成。山陽鉅鹿人也。於操前施逞鎗法。問答如流。操喜。衛弘盡出。

家財。置辦衣甲旗幡。四方送糧食者。不計其數。曹兵壯士五千。屯於陳留。時袁紹得操矯詔。乃聚麾下將士。商議起兵。有田豐沮授。許攸。審配。郭圖。顏良。文醜。文臣武將。整整齊齊。各懷報國之心。盡有匡君之志。引兵三萬。離渤海來與曹操會盟。操作檄文以達諸郡。檄文曰

操等謹以大義布告天下。董卓欺天罔地。滅國弑君。穢亂宮禁。殘害生靈。狼戾不仁。

罪惡充積。今奉天子密詔。大集義兵。誓欲
掃清華夏。勦戮羣凶。望興仁義之師。來赴
忠烈之會。扶持王室。拯拔黎民。檄文到日。
速可奉行。

操發檄文去後。各鎮諸侯皆起兵。

第一鎮。交遊豪俊。結納英雄。後將軍。南陽

太守。袁術。

字公路

第二鎮。貫通諸子。博覽九經。冀州刺史。韓

馥。

字文節

第三鎮。闊論高談。知今博古。豫州刺史。孔

佃

字公緒

第四鎮。孝悌仁慈。屈已待士。兗州刺史。劉

岱

字公山

第五鎮。仗義疎財。揮金似土。河內郡太守。

王匡

字公節

第六鎮。賑窮救急。志大心高。陳留太守。張

邈

字孟卓

第七鎮。恩惠及人。聰敏有學。東郡太守。喬

瑁字元偉

第八鎮。忠直元亮。秀氣文華。山陽太守。素遺字伯業

第九鎮。有謀多智。善武能文。濟北相。鮑信字允識

第十鎮。聖人宗派。好客禮賢。北海太守。孔融字文舉

第十一鎮。武藝超羣。威儀出衆。廣陵太守。

張超

字孟高

第十二鎮。仁人君子。德厚溫良。徐州刺史。

陶謙 字恭祖

第十三鎮。名鎮羌胡。聲聞夷夏。西涼太守。

馬騰 字壽成

第十四鎮。聲如巨鐘。丰姿英偉。北平太守。

公孫瓚 字伯珪

第十五鎮。隨機應變。臨事勇為。上黨太守。

張楊 字稚升

第十六鎮。英雄冠世。剛勇絕倫。烏程侯太。

守孫堅字文臺

第十七鎮。四世三公。門多故吏。祁鄉侯。渤海太守。袁紹字本初

諸路軍馬多少不等。有三萬者。有一二萬者。各領文武官將。按洛陽來。且說一路軍馬。乃北平太守。統領幽州。官拜奮武將軍。薊侯。覆姓公孫。單名瓚。遼西令支人也。統領精兵一萬五千人。起發。路經德州平原縣過。軍馬正行之間。遙見桑樹叢中。一面黃旗。數騎來迎。

遠遠看見公孫瓚下馬。瓚視之。乃劉玄德也。

瓚亦下馬。問曰。賢弟何故在此。玄德曰。兄長

失志。舊日蒙兄保委。備為平原縣令。因此出

城閑行。偶遇尊兄到此。乃大幸也。就請兄長

入城歇馬。云瓚指關張而問曰。此何人也。

玄德曰。此是關某。張飛。備結義兄弟也。瓚曰。

乃同破黃巾者乎。玄德曰。皆此二人之力也。

瓚曰。有何爵祿。玄德答曰。關某為馬弓手。張

飛為步弓手。瓚曰。呀。空埋了大丈夫耳。今董

卓作亂。天下諸侯共往誅之。賢弟可棄其為官。一同討賊。力扶漢室若何。玄德曰。愿往。張飛曰。當日若容我殺了此賊。免有今日之事。關某曰。事已至此。收拾便行。玄德關張引數騎跟公孫瓚來。且說那十八路諸侯。那一路先到。此人身長八尺。英雄雙全。橫跨三江。威服六郡。富春人也。姓孫名堅。字文臺。後人有詩讚文臺曰。

誰道江南少將才。明星夜夜照文臺。欲誅

董卓安天下。為首長沙太守來。

曹操接着孫堅。眾諸侯陸續皆到。各自安營下寨。連接二百餘里。操乃宰牛殺馬。大會諸侯。商議進兵之策。太守王匡曰。今奉大義。必立盟主。眾聽約束。然後進兵。逖互相讓。操曰。袁本初。四世三公。門多故吏。漢朝名將之裏。可為盟主。紹再三推辭。眾皆曰。非本初不可為也。紹方應允。次日。築臺三層。徧列五方旗幟。上建白旄黃鉞。兵符將印。請紹登壇。紹整

衣佩劔。慨然而上。焚香再拜。其盟曰。

漢室不幸。皇綱失統。賊臣董卓。乘釁縱害。
禍加至尊。虐流百姓。大懼淪喪。社稷剪覆。
四海紹尋。糾合義兵。並赴國難。凡我同盟。
齊心戮力。以致臣節。隕首誓元。必無二志。
有渝此盟。俾墜其命。無克遺育。皇天后土。
祖宗明靈。實皆鑒之。

讀畢。歎血。衆等因其辭氣。慨慷遂皆涕泣。橫
流。聞其言者。雖卒伍廝養。莫不切齒踊躍。共

思誅討逆賊董卓。及歃血已罷。下壇衆皆扶
紹升帳。待坐。各施禮罷。兩行依爵位年齒。分
列而坐。操行酒數巡。言曰。今日既立盟主。各
聽調遣。同扶天下。勿以強弱計較。紹曰。吾無
壓衆之心。汝等推戴我為盟主。有功者必賞。
有罪者必罰。國有常刑。軍有紀律。各宜遵守。
毋得違犯。衆皆曰。惟命是聽。紹曰。吾弟袁術
總督糧草。應付諸營。無使有缺。誰肯為前部
先鋒。直抵沂水關下。誘賊相持。餘皆各據險。

要。以為接應。長沙太守孫堅。出曰。堅雖不才。
願為前部。紹曰。文臺勇烈。可稱此職。隨即捧
杯作賀。連忙引本部人馬。大刀闊斧。奔沂水
關來。有守關將。差流星馬。往洛陽丞相府告
急。董卓自專大權之後。每日飲宴。更深夜散。
李儒接得告急文字。徑來稟覆丞相。董卓大
驚。急聚眾將商議。卓曰。今袁紹曹操聚各路
太守軍馬。直抵關前。眾將有何妙計。溫侯呂
布挺身出曰。父親勿慮。吾觀關外眾多諸侯。

如草芥。親提虎狼之師。盡斬其首。懸于都門。
呂布之愿也。卓大喜。曰。吾有奉先。高枕無憂
矣。言未絕。呂布背後一人。高聲而出。曰。殺雞
焉用牛刀。不必溫侯有勞。帝威。吾觀斬衆諸
侯首級。如探囊取物。卓視之。其人身長九尺。
面如噀血。虎體狼腰。豹頭猿臂。關西人也。姓
華。名雄。卓帳前第一負驍將。卓聽其言。大喜。
加為驍騎校尉。撥馬步軍五萬。一同李肅。胡
軫。趙岑。連夜便起。飛奔沂水關來。却說衆諸

侯內。有濟北相鮑信。尋思孫堅為其前部。若
幹了大功。都不顯我等。暗撥其弟鮑忠。先將
馬步軍三千。迺抄小路。直到關下搦戰。華雄
引鐵騎五百。飛下關來。大喝賊將休走。鮑忠
急待退。被華雄手起刀落。斬鮑忠於馬下。生
擒將校極多。華雄飛馬親提鮑忠首級。直來
相府獻功。卓賜雄重賞。又與鐵甲馬軍一千。
雄辭董卓。上馬部領出城。投沂水關札住大
寨。卓使人加雄為都督。且傳曰。慎勿下關輕

敵。却說孫堅引四將直至關前。那四將第一

個。右北平。土垠

音銀

人。姓程。名普。字德謀。使一

條鐵脊蛇矛。東吳第一負上將。第二個。姓黃

名蓋。字公覆。零陵人也。使鐵鞭。第三個。姓韓

名當。字義公。遼西令支人也。使口大刀。第四

個。姓祖。名茂。字大榮。吳郡富春人也。使雙刀。

孫堅披爛銀鎧。裹赤幘。

赤幘即蜀錦抹額之類也

騎花鬃

馬。橫古錠刀。拍關上而罵曰。助惡匹夫。何不

早降。華雄副將胡軫曰。某下關必斬孫堅首。

雄與兵三千。排列出關。堅見胡軫出馬。却欲自出。程普飛馬挺矛。直取胡軫。聞不數合。程普刺中胡軫咽喉。死於馬下。一陣直殺上關。關上矢如雨下。孫堅引兵回至梁東屯住。堅使人於袁紹處報捷。就於袁術處催糧。或譖孫堅乃江東之猛虜。若打破洛陽。殺了董卓。正是除狼而得虎也。今不可與糧。彼軍必散。術聽之。不發糧草。堅軍缺食。軍中自亂。細作報上關來。李肅與華雄商議。我引一軍從小

路下関。襲孫堅寨後。汝可半夜到堅寨。必然擒矣。雄喜。連晚教軍飽食一頓。披掛了。下関。是夜月白風清。比及到堅寨。時已是半夜。鼓譟直進。堅披掛慌忙上馬。正遇華雄。兩馬相交。関不到數合。寨後李肅軍到。竟天放火。孫堅軍人無糧食。四下里乱攬。堅撥回馬走。四下裏喊聲不絕。程普。黃蓋。韓當。各不相顧。止有祖茂。跟定孫堅。與數十騎突圍而出。背後華雄追堅。堅勒回馬。又戰十餘合。堅敗。雄赶

來。堅連放兩箭。皆被華雄躲過。盡氣力放第三箭。力大拽折了鵲畫弓。棄弓縱馬穿林而走。祖茂曰。主公頭上赤幘射目。雄望之。心不捨。可脫幘與茂戴之。堅就馬上換了祖茂盔。分兩路而走。華雄見赤幘者投東。引軍投東追趕。孫堅從小路得脫。祖茂被華雄追趕至急。將赤幘掛於人家燒不盡。連柱上。却於樹後潛躲。華雄軍遙見赤幘。四面圍定。不敢向前。用箭射之。方知是計。遂向前取了赤幘時。

華雄縱馬尋祖茂。茂於林後揮雙刀。欲劈雄。雄大喝一聲。將祖茂一刀砍於馬下。雄引兵上關。程普黃蓋韓當都來尋見孫堅。再收拾軍馬屯扎。堅為折了鄉人祖茂。傷感不已。却說大寨袁紹陞帳。忽流星馬報。孫堅大折了一陣。祖茂歿於軍中。紹大驚。曰。誰想孫文臺折於華雄之手。他孤軍在外。難扎寨。又恐有劫寨兵來。令人取回大寨。計議。云請眾諸侯商議。都皆到了。只公孫瓚後至。紹請入帳。

上列坐。紹曰。前日鮑將軍弟。不遵調遣。擅自進兵。殺身喪命。折了許多軍士。今者孫文臺又敗於華雄。挫動銳氣。諸侯並皆不語。紹舉目遍視。見公孫瓚背後立着三人。容貌異常。都背後冷笑。紹問曰。公孫太守背後何人也。瓚呼玄德出。曰。此乃自幼同舍兄弟。平原令劉備是也。曹操曰。莫非破黃巾劉玄德否。瓚曰。然。令玄德拜見。紹曰。破黃巾有功來。瓚將玄德功細說一遍。紹曰。既是漢室宗派。取座。

來。命坐。備曰。小縣令安有坐禮。紹曰。吾非敬汝名爵。吾敬汝是帝室之胄。於國多曾有功。玄德拜謝。於堦下末坐。關張又手侍立於後。正商議。探子來報。華雄引鐵騎下關。以長竿挑着孫太守赤幘。直來寨前大罵搦戰。紹曰。誰敢去戰此賊。袁術背後轉出驍將俞涉。曰。小將願往。紹喜。便着俞涉出馬。即時報來。俞涉與華雄交戰。不到三合。被華雄斬了。衆諸侯大驚。太守韓馥曰。吾有上將潘鳳。可斬華

雄。紹急令喚至。應聲而出。手提大斧上馬去。不多時。飛馬來報。潘鳳又被華雄斬了。衆諸侯皆失色。袁紹拍股嘆曰。可惜吾上將顏良。文醜。催軍未回。得一人在此。豈放華雄施威哉。汝衆諸侯許多將士。只無一人可追華雄。衆官默然。皆下一人大呼出曰。小將願往。斬華雄。頭獻於帳下。衆視之。見其人身長九尺五寸。髯長一尺八寸。丹鳳眼。卧蚕眉。面如重棗。聲似巨鐘。立於帳前。紹問何人。公孫瓚曰。

此劉玄德之弟關某也。紹問見居何職。瓚曰。跟隨玄德。充馬弓手。帳上袁術大喝曰。汝欺吾衆諸侯無大將耶。量一弓手。安敢亂言。與我亂棒打出。曹操急止之曰。公路息怒。此人既出大言。必有廣學。試教出馬。如其不勝。誅亦未遲。袁紹曰。不然。使一弓手出戰。必被華雄恥笑。吾等如何見人。曹操曰。據此人儀表非俗。華雄安知他是弓手。關某曰。如不勝。請斬我頭。操教釀熱酒一盃。與關某飲了上馬。

關某曰。酒且斟下。某去便來。出帳提刀。飛身上馬。衆諸侯聽得寨外鼓聲大震。喊聲大舉。如天摧地塌。岳撼山崩。衆皆失驚。却欲探聽。鸞鈴響處。馬到中軍。雲長提華雄之頭。擲於地上。其酒尚溫。史官有詩曰。

威鎮乾坤第一功。轅門畫鼓響鼙鼙。雲長停盞施英勇。酒尚溫時斬華雄。

雲長出馬。只一合斬了華雄。提頭入獻。衆皆大喜。玄德背後轉出張飛。高聲大叫。俺哥哥

斬了華雄。不就這裏殺入關去。活拏董卓。更待何時。掉丈八蛇矛。來搶關隘。如何。

虎牢關三戰呂布

張飛便要上馬。乘勢搶關。袁術大怒。喝道。俺大臣尚自謙讓。量一潑縣令手下小卒。敢在此耀武揚威。都與我趕出帳去。曹操曰。既是得功者賞。何計貴賤乎。袁術曰。既然汝等待用一縣令。我迴避便了。操曰。豈可因一言。而誤大事耶。命公孫瓚且帶玄德關張回寨。衆

官皆散。曹操暗使人賁牛酒來慰三人。却說華雄手下敗軍報上關來。李肅慌忙寫告急文字。申聞董卓。卓急聚李儒、呂布等相議。儒曰：「今折了上將軍華雄，賊勢浩大，皆是袁紹為盟主，以聚眾惡。紹叔袁隗見為太傅，倘或裏應外合，深為不便，可先除之。」請丞相親賞大軍，分投勦捕。卓然其說，喚李傕、郭汜領兵五百圍住太傅袁隗。不令老幼盡皆誅絕。先將袁隗頭去關前蹄令。董卓遂起兵二十萬。

分為兩路而來。一路先令李傕郭汜引兵五

萬把住沂水關。不要廝殺。卓自將十五萬同

李儒呂布張濟樊稠取虎牢關。這關離洛陽

五十里。

漢時名虎牢關。唐時名武牢關。

若進兵却好截諸侯

路。軍馬到關上了。卓令呂布引三萬軍去關

前扎住大寨。卓自在關上屯住。流星馬探聽

得報將索紹大寨裏來。紹聚眾商議。操曰。董

卓屯兵在虎牢關。截俺諸侯中路。今其形勢

可勒兵一半迎敵。紹乃令王匡橋瑁鮑信袁

遺孔融張楊陶謙公孫瓚八路軍馬往虎牢
關迎敵。操引軍往來救應。使八路諸侯得令。
各自起兵。先說河內太守王匡引兵先到。呂
布在寨中。聽得有軍來到。欣然上馬。帶鐵騎
三千。飛奔來迎。王匡將軍馬列成陣勢。勒馬
門旗下時。見呂布出陣。頭戴三叉束髮紫金
冠。體掛西川紅錦百花袍。身披獸面吞頭連
環鎧。腰繫勒甲玲瓏獅蠻帶。弓箭隨身可體。
手持畫桿方天戟。坐下嘶風赤兔馬。果然是

人中呂布。馬中赤兔。人馬之中。漢末兩絕。那馬左右盤旋。往來馳騁。王匡見了。心中惶惶。回頭問曰。誰出陣戰。後面一將縱馬挺鎗而出。匡視之。乃是河內名將方悅。兩馬相交。無五合。被呂布一戟刺於馬下。王匡便勒馬入陣。呂布挺戟直衝過來。匡軍大潰。四散奔走。布衝陣如入無人之境。鐵甲背後擁來。橋瑁袁遺兩軍皆至。來救王匡。呂布方退。三處各折了人馬。退三十里下寨。諸侯八路軍馬都

至一處商議。言呂布英雄。無人可敵。正慮間。小校報來。呂布搦戰。八路諸侯各自上馬。歸本寨。軍分八隊。布列於高岡山前。遙望呂布一簇軍馬。繡旗招颭。先來衝陣。張楊軍馬陣中。手下將穆順出馬。挺鎗去迎。呂布手起一戟。刺穆順於馬下。八路諸侯心喪膽裂。北海太守孔融部下一將出曰。吾受文舉恩已十年。何不以死報之。融視之。乃門下勇士武安國也。使鐵鎚重五十斤。安國提長柄鐵鎚。飛

馬而出。呂布揮戟追馬而來。與安國戰。戰到十餘合。一戰斫斷安國手腕。棄鎗於地而走。八路諸侯一齊殺來。救了武安國。呂布退回去了。却說八路諸侯連輸數陣。申報袁紹。曹操曰。呂布英雄。天下無敵。可會十八路諸侯一齊商議。共擒呂布。若誅了呂布。董卓易裁。正議之間。有人來報。呂布搦戰。紹令八路諸侯攻呂布。布逢衝公孫瓚。瓚自揮鐵槊直迎呂布。布睜目大叫。揮戟來戰。戰兩合。瓚攢回。

馬速慌而走。呂布縱赤兔馬趕來。那馬行千里。飛走如風。看看赶上公孫瓚。布舉畫戟望後心便刺。旁邊一將圓睜環眼。倒豎虎鬚。挺丈八矛。飛馬大叫。三姓家奴休走。燕人張飛在此。呂布見了。棄了公孫瓚。便戰張飛。飛抖搜神威。酣戰呂布。八路諸侯見張飛漸漸鎗法散亂。呂布越添精神。張飛性起。大喊一聲。雲長把馬一拍。舞八十二斤青龍偃月刀。夾攻呂布。三匹馬丁字兒廝殺。又戰到三十

合。兩員將戰不倒。呂布。劉玄德看了。心中暗想。我不下手。更待何時。掣雙股劍。驟黃驃馬。刺斜裏去砍。這三箇圍住呂布。轉燈兒般廝殺。八路人馬都看得呆了。呂布架隔遮攔不定。看玄德面上刺一戟。玄德急閃。呂布蕩開陣角。倒拖畫戟。飛馬便走。三個那裏肯捨。拍馬趕來。八路軍兵喊聲大震。一齊掩殺。呂布軍望闕上奔走。玄德關張隨後跟定。呂布。古人曾有篇言語。單道着玄德關張虎牢關三

戰呂布

漢朝天數當桓靈。炎炎紅日將西傾。奸臣
董卓廢少帝。劉協懦弱菟夢驚。曹操傳檄
告天下。諸侯奮怒皆興兵。議立袁紹作盟
主。誓扶王室定太平。溫侯呂布世無比。雄
才四海誇英偉。護軀銀鎧砌龍鱗。束髮金
冠簪雉尾。參差寶帶獸平吞。錯落錦袍飛
鳳起。龍駒跳踏起天風。畫戟熒煌射秋水。
出關搦戰誰敢當。諸侯膽裂心惶惶。踴出

燕人張益德。手提蛇矛丈八鎗。虎鬚倒豎。
翻金線。環眼圓睜。起電光。酣戰未能分勝。
敗。陣前惱起關雲長。青龍寶刀。燦霜雪。鸚
鵡戰袍。飛蛺蝶。馬蹄到處。神鬼殛。目前一
怒。應流血。梟雄玄德。掣霜鋒。抖搜天威施。
勇烈。三人圍繞戰多時。遮攔架隔無休歇。
喊聲震動天地翻。殺氣迷漫牛斗寒。呂布
力窮尋走路。遙望家山迫馬還。倒拖畫桿
方天戟。亂散銷金五彩幡。頓斷絨絛走赤

免翻身飛上虎牢關

玄德關張直趕呂布到關下。張飛看見關上。
西風飄動青羅傘蓋。飛大叫。關上必是董卓。
追趕呂布。有甚強處。不如先拿董賊。便是斬
草除根。拍馬上關來擒董卓。畢竟如何。且聽
下回分解。

三國志通俗演義卷之一

終